

四庫全書薈要·乾隆御覽本

經部

欽定四庫全書薈要

經部

禮記注疏卷十六

七

詳校官編修巨程嘉猷



禮記注疏卷十六

漢鄭氏注

唐陸德明音義

孔穎達疏



仲夏之月日在東井昏亢中旦危中注仲夏者日月會

於鶉首而斗建午之辰也音義

亢音剛又苦浪反

疏

正義曰案三統歷五

月節日在井十六度昏氐二度中去日一百一十九度  
旦室三度中五月中日在井三十一度昏房二度中去  
日一百一十九度旦奎十一度中元嘉曆五月節日在  
井三度昏角十度中旦危九度中五月中日在井十八

度昏氏五度中  
旦室五度中

其日丙丁其帝炎帝其神祝融其蟲羽

其音徵律中蕤賓其數七其味苦其臭焦其祀竈祭先

肺注蕤賓者應鐘之所生三分益一律長六寸八十一

分寸之二十六仲夏氣至則蕤賓之律應周語曰蕤賓

所以安靜神人獻酬交酢音義

蕤人誰反  
疏注正義曰  
酢才各反  
應鐘律長

四寸二十七分寸之二十上生蕤賓三分益一取應鐘

三寸更益一寸為四寸其二十七分寸之二十各三分

之則一寸分為八十一分也二十七分寸之二十則為

八十一分寸之六十其整寸一為八十一分又以六十

分益之總為一百四十一分更三分益一分有四十

七更以四十七益前一百四十一分總為一百八十八

分是為積分之數除之為寸除八十一分則一百六十二分為二寸益前四寸為六寸餘有二十六分不成寸故云筵賓長六寸八十一分寸之二十六也引周語曰以下者證筵賓之律何胤云乾九四是月陽反於下為復陰生陽中為垢各應其時所以安靜是安靜神人也陰生為主陽謝為賓賓主之象獻酬之禮獻酢又酬之陰陽代謝之義也 小暑至螳螂生鵙始鳴反舌無聲注皆記時

候也螳螂蝶蛸母也鵙博勞也反舌百舌鳥音義

螳音 堂 娘

音即鵙古闌反字林工役反反舌蔡伯喈云蝦蟇蝶匹逸反蛸音消博音搏又作伯

疏 注正義曰 案釋蟲云

不蝟蝟蟻其子蟬蛸舍人云不蝟名蝟蟻今之螳螂也孫炎云蝟蟻螳螂一名不蝟李巡云其子名蟬蛸則蝶蛸故云蝶蛸母方言云潭魯以南謂之蝟蟻三河之域謂之螳螂燕趙之際謂之食厖齊祀以束謂之馬穀然

名其子同云蝶蛸也云博勞者詩云七月鳴鵙箋云百勞鳴將寒之候五月則鳴幽地晚寒鳥物之候從其氣焉云百舌鳥者蔡云蟲名龜也今謂之蝦蟇其舌本前著口側而未嚮內故謂之反舌通卦驗曰博勞鳴蝦蟇無聲又糜信云昔於長安中與書生數十共往城北水中取蝦蟇屠割視之其舌反嚮後如此鄭君得不通乎蟠風問曰誠如緯與子言為蝦蟇五月中始得水適當聒人耳何反無聲此者著時候今猶昔也是以知蝦蟇非反舌反舌鳥春始鳴至五月稍止其聲數轉故名反舌時候言之今人識之故不從緯與俗儒也或蝦蟇舌性自然不必為反舌也

天子居明堂太廟乘朱路駕赤駟載赤旂

衣朱衣服赤玉食菽與雞其器高以粗注明堂太廟南

堂當太室也養壯佼注助長氣也音義

佼古卯反長丁反下長氣同

疏正義曰壯謂容體盛大佼謂形容佼好以是月也命盛夏長養之時故養壯佼之人助長氣也

樂師修鞀鞀鼓均琴瑟管簫執干戚戈羽調竽笙箎簧

飭鐘磬祝敔注為將大雩帝習樂也修均執調飭者治

其器物習其事之言音義鞀大刀反本亦作鞀同鞀步西反竽音于箎音池本又作

箎同簧音黃飭音勅祝昌六反敔魚呂反本又作疏正

圍為于偽反下文為民注為傷為其皆同雩音于疏義

曰鞀字或從兆下鼓案周禮小師注云鼗如鼓而小持其柄搖之旁耳還自擊鄭注詩云小鼓在大鼓旁應鞀

之屬也鞀鼓者則周禮鼓人職掌六鼓雷鼓神鼓神祀之屬是也劉熙釋名云鞀導也所以導樂作鞀鞀也鞀助

鼓節鼓廓也張皮以冒之其中空廓琴者釋樂云大琴謂之離孫炎云聲留離廣雅云琴長三尺六寸六分五

弦劉熙釋名云施弦張之瑟者釋樂云大瑟謂之灑孫  
炎云音之變布如灑出郭景純云瑟長八尺一寸二十  
七弦管者釋樂云大管謂之箛音驕郭景純云管長尺  
圍寸併漆之有底賈氏以為如箎六孔鄭注周禮云管  
如篴而小併兩而吹之簫者釋樂云大簫謂之言郭景  
純云編二十二管長尺四寸鄭注周禮簫編小竹管如  
今賣鉛錫所吹者劉熙釋名簫肅也干盾也戚斧也戈  
鈎矛戟羽鳥羽周禮羽舞皇舞之屬是也竽者鄭注周  
禮云竽三十六簧釋名云竽汙也其中汙空笙者鄭注  
周禮云十三簧釋樂云大笙謂之巢郭景純云列管竽  
中施簧管端大者十九簧釋名云笙生也象物出地所  
生笙者釋樂云大箎謂之沂郭景純云箎以竹為之長  
尺四寸圍三寸一孔上出寸三分名翹橫吹之廣雅云  
八孔鄭司農注周禮云箎七孔釋名云箎啼也聲如嬰  
兒啼簧者竽笙之名也氣鼓之而為聲釋名云簧橫也  
於管頭橫施之鐘者案釋樂云大鐘謂之鏞釋名云鐘

空也。內空受氣多。磬者釋樂云。大磬謂之馨。音驚。以玉石為之。釋名。磬聲也。聲堅。磬聲然。祝者釋樂云。所以鼓祝。謂之止。郭景純云。祝如漆桶。方二尺四寸。深一尺八寸。中有椎柄。連底。撞之。令左右擊止者。其椎名。敵者。釋樂云。所以鼓。敵謂之。斂。郭景純云。敵如伏虎背。上有二十七。鉏。鉚。刻以木。長尺。操之。注正義曰。修者。修理。舊物均者。均平其聲。執者。操持。營為調者。調和音曲。飭者。整頓。器物故云。治其器物。習其事之言也。命有司

為民祈祀山川百源。大雩。帝用盛樂。乃命百縣。雩祀百辟。卿士有益於民者。以祈穀實。注陽氣盛而常旱。山川百源能興雲雨者也。衆水始所出為百源。必先祭其本。乃雩雩。吁嗟求雨之祭也。雩。帝謂為壇南郊之旁。雩五

精之帝配以先帝也自鞞鞞至祝敵皆作曰盛樂凡他  
 零用歌舞而已百辟卿士古者上公若句龍后稷之類  
 也春秋傳曰龍見而零零之正當以四月凡周之秋三  
 月之中而旱亦修零禮以求雨因著正零此月失之美  
 天子零上帝諸侯以下零上公周冬及春夏雖旱禮有

禱無零音義

辟必亦反注同句古侯反見賢遍反下御見同

疏

正義曰正以將欲零祭故先命

有司為民祈祀山川百源為將零之漸重民之義也故  
 先為民大零帝用盛樂者為民祈穀後天子乃大零天  
 帝用上鞞鞞之等故云用盛樂乃命百縣零祀百辟卿  
 士者謂天子既零之後百縣謂諸侯也命此諸侯以零

祀古之百辟及卿士等生存之日能立功有益於人者  
注正義曰以四月純陽用事故云陽氣盛而恆旱故制  
禮此月為雩縱令雩祭時不早亦為雩祭云雩以吁嗟  
求雨之祭者以雩音近吁又女巫職云凡邦之大歲歌  
哭而請歌哭則吁嗟之類早又是大歲故須吁嗟求雨  
注春秋者以雩為遠謂遠為百穀求雨非鄭義也云雩  
帝謂為壇南郊之旁雩五精之帝者以雩是祭天當從  
陽位以五天總祭不可徧在四方故知在南郊也以春  
夏秋冬共成歲功不可徧祭之天故雩五精之帝以自  
外至者無主不正當以入帝配之大皞配靈威仰炎帝  
配赤熛怒黃帝配含樞紐少皞配白招拒顓頊配汁光  
紀故云配以先帝也云凡他雩用歌舞而已者案女巫  
云旱暵則舞雩是用歌舞正雩則非唯歌舞兼有餘樂  
故論語云舞雩詠而歸是也云百辟卿士古者上公甸  
龍后稷之類也者百辟則古之上公則國語解為崇伯  
而禮記祭法有祀之文社稷五祀雖為王朝卿士兼帶

上公之官故左氏云封為上公祀為貴神是身為百辟  
又為卿士案左傳有社稷五官今直云若句龍后稷不  
云句芒蓐收之等舉有益於民功之顯者言之引春秋  
傳曰龍見而雩者欲明正雩在四月不在五月也云凡  
周之秋三月之中旱亦修雩禮以求雨者釋此經大雩  
在五月之中為五月不雨修雩祭作記者言五月之雩  
是常雩故記之於五月也云天子雩上帝者以此云大  
雩帝也云諸侯以下雩上公者此云乃命百縣雩祀百  
辟卿士是也云周冬及春夏雖早禮有禱無雩者案春  
秋周七月八月九月皆書雩穀梁不譏成七年冬大雩  
穀梁云無為雩是譏其冬雩是冬無雩也春秋周之春  
及周之四月五月皆無雩文春夏不雩雖早不為修雩  
之祭其周季夏當有正雩則龍見而雩是也案春秋桓  
五年秋大雩傳云書不時服注云雩遠也遠為百穀祈  
膏雨言大別山川之雩也僖十一年秋八月大雩十三  
年秋九月大雩成公三年秋大雩七年冬大雩襄五年

秋大雩傳曰旱八年九月大雩傳曰旱十六年秋大雩  
十七年秋九月大雩二十八年秋八月大雩傳曰旱昭  
三年秋八月大雩傳曰旱六年九月大雩傳曰旱八年  
秋大雩十六年秋九月大雩傳曰旱二十四年秋八月  
大雩傳曰旱二十五年秋七月上辛大雩季辛又雩傳  
曰秋書再雩旱甚定元年秋九月大雩七年秋大雩九  
月大雩十二年秋大雩僖二十一年夏大旱宣七年秋  
大旱莊三十一年冬不雨僖二年冬十月不雨三年正  
月不雨夏四月不雨六月雨傳曰自十月不雨至於五  
月不曰旱不為災文二年自十有二月不雨至於秋七  
月十年云自正月不雨至於秋七月十三年云自正月  
不雨至於秋七月是春秋之中不雨有七大旱有二大  
雩有二十一都并有三十莊三十一年冬不雨以冬時  
旱氣已過故不數僖二十一年夏大旱宣七年秋大旱  
二旱災成故不數昭二十五年一月再雩祇是一旱之  
事為再雩一雩不數定七年秋大雩亦一時之事而為

二雩一雩不數成七年冬大雩穀梁云冬無為雩明亦不數三十之中去此六事不數唯有二十四在就二十四之中分為四部桓五年秋大雩說雩禮是一部也僖二年冬十月不雨僖二年正月不雨夏四月不雨說禱禮是二部也文二年文七年文十三年皆云正月不雨至於秋七月說旱而不為災是三部也此三部總有七條於二十四去七條餘有十七條說旱氣所由故鄭釋廢疾云春秋凡書二十四旱考異郵說云分為四部各有義焉是其事也凡正雩在周之六月常事不書書秋天雩傳不云旱者皆過雩也傳言旱者皆為旱修雩也雩書月者為修旱雩得禮故定元年穀梁傳曰雩月雩之正也秋大雩非正也案玉藻云至于八月不雨君不舉注云建子之月不雨盡建未乃始成災而僖二十一年夏大旱未至建未而為災者若霧露濡壟中有苗雖歷時不為災也文二年十年十三年自十二月正月不雨至秋七月是也至八月不雨乃為災若無霧露濡

濡壘中無苗雖未至八月則為災故僖二十一年夏大旱是也穀梁說云得雨曰雩不得雨曰旱公羊說言雩則早見言旱則雩不見此二家之說不同鄭釋廢疾從穀梁之義雩之與禱所以異者考異郵說云天子禱九州山川諸侯禱封內大夫禱所食邑又僖公三時不雨帥羣臣禱山川以過自讓凡雩必先禱故此經云乃命百縣祈祀山川百源始大雩帝是也禱者不雩僖公二年冬十月及三年春正月夏四月直為禱祭不為雩以非雩月故不雩

農乃登黍注登進也是月也天子乃以雛嘗黍

羞以含桃先薦寢廟注此嘗雛也而云以嘗黍不以牲

主穀也必以黍者黍火穀氣之主也含桃櫻桃也音義

雛仕于反又仕俱反爾雅云生啄雛含桃疏注正義曰本又作函湖南反含桃櫻桃也櫻於耕反黍是火穀

於夏時與籬同薦之如鄭此言則黍非新成直取舊黍  
故下孟秋云農乃登穀注云黍稷於是始熟明仲夏未  
熟也蔡氏以為此時黍新熟今蟬鳴黍是也非鄭義也  
案月令諸月無薦果之文此獨羞含桃者以此果先成  
異於餘物故特記之  
其實諸果於時薦  
令民毋艾藍以染注為傷長氣也

此月藍始可別夏小正曰五月啓灌藍蓼音義

藍力甘反別彼

列反下文疏注正義曰別種藍之體初必叢生若及早  
別羣同疏裁移則有所傷損此月藍既長大始可分

移布散引小正啓灌藍蓼者證此月養藍熊氏云母燒  
灌謂叢生也言開闢此叢生藍蓼分移使之稀散

灰注為傷火氣也火之氣於是為盛火之滅者為灰母

暴雨注不以陰功干大陽之事音義

暴雨卜反大音太

門閭母

閉關市毋索注順陽敷縱不難物音義

索所白反難乃旦反又如字

疏

正義曰蔡云門謂城門閭謂二十五家為閭關市無索者關市停物之所商旅或隱藏其物以避征稅是

月從長之時故不搜索其物

挺重囚益其食注挺猶寬也疏

正義曰益其食

與挺重囚連文鄭又無注皇氏以為增益囚之飯食義當然也熊氏以為益羣臣祿食其義非也

游牝

別羣注孕妊之欲止也則繫騰駒注為其壯氣有餘相

蹄齧也音義

繫如字蔡本作執蹄大計反躡也本或作蹠音同

班馬政注馬政

謂養馬之政教也庾人職曰掌十有二閑之政教以阜

馬佚特教馳攻駒此之謂也音義

庾所留反馳音兆又音道字林音桃

疏

注正義曰度人職曰掌十有二閑之政教案校人職云天子十有二閑諸侯六閑大夫四閑每閑馬有二百一十六匹又阜馬佚持教駢攻駒注云阜盛壯也鄭司農云二歲曰駒三歲曰駢玄謂逸者用之不使甚勞安其血氣也教駢始乘習是月也日長至陰陽爭死生分注之攻駒駢其蹄鬣者

爭者陽方盛陰欲起也分猶半也音義

爭爭鬪之爭注同

疏

正義

曰長至者謂此月之時日長之至極大史漏刻夏至晝漏六十五刻夜漏三十五刻是日長至也死生分者分半也陰氣既起故物半死半生蔡云感陽氣長者生感陰氣成者死故於夏至日相與分也君子齊

戒處必掩身毋躁注掩猶隱翳也躁猶動也今月令毋

躁為欲靜止聲色毋或進注進猶御見也聲謂樂也易

及樂春秋說夏至人主與羣臣從八能之士作樂五日

今止之非其道也音義

從子用反疏

正義曰蔡氏云君子謂人君以下至在位士也

齊戒所以敬道萌陰也處必掩身處猶居也掩隱翳也陰既始萌故君子居處不顯露恐干陰也毋躁者躁動也既不顯露又不得躁動宜靜以安萌陰也鄭引今月令毋躁為欲靜欲靜則毋躁之義止聲色者歌樂華麗之事為助陰靜故止之無或進者進御見也既止聲色故嬪房不得進御侍夕也亦為微陰始動不可動於陰事也蔡云方齊戒故止色內御之屬勿或有所進也注正義曰案易緯通卦驗云夏至人主從八能之士或調黃鐘或調六律或調五音或調五聲或調五行或調律歷或調陰陽或調正德所行注從八能之士謂選於天下人衆之中取其習曉者而使之調黃鐘者縣黃鐘於子其以大小之差展其聲調六律者六律管陽也又有

六呂為之合管有長短吹之以調樂器之聲調五音者  
金為鐘革為鼓石為磬竹為管絲為弦皆有聲變舒疾  
也匏也木也土也不言調者聲少變故不調調五聲者  
宮商角徵羽聲引殺緩急凡黃鐘六律之聲五音之動  
與神靈之氣通人君聽之可以察己之得失而知羣臣  
賢否調五行者五行謂五英調律應者律歷謂六莖也  
調陰陽者謂雲門咸池調正德所行者謂之大韶大夏  
大濩大武此鄭云五英謂顓頊樂名云六莖者帝嘗樂  
名云從八能之士注云從就也謂人主就八能之士於  
習樂之處而觀之作樂五日者謂日至之前豫前五日  
令八能之士習作其樂以迎日至樂緯協圖徵亦云從  
八能之士今月令於日至止聲色與諸緯文違故云非  
其道必知其緯文作樂為是者以周禮大司樂冬至祭  
天圜丘夏至祭地方澤皆有作樂之文不得云止樂故  
知月令薄滋味毋致和注為其氣異此時傷人音義和  
非也

卧疏注正義曰滋味和調氣味反疏殊異他時可食此時傷人節者欲定心氣注微陰

扶精不可散也音義

者市志反

百官靜事毋刑注罪罰之事

不可以間今月令刑為徑以定晏陰之所成注晏安也

陰稱安音義

晏伊見反疏

正義曰上從君子齊戒以下至無刑以上皆是清靜止息之事以正

定身中安陰之所成就謂初感安陰若不清靜則微陰與人為病故須定之王肅及蔡氏皆云晏為以安定陰陽之所成非鄭旨也鹿角解蟬始鳴半夏生木堇注又記時候

也半夏藥草木堇王蒸也音義

解戶買反始市志反夏戶嫁反堇音謹一名舜

華蒸之疏注正義曰釋草云檉木槿櫬木槿郭氏云別承反疏二名可食或呼為日及亦云王蒸其花朝生

暮是月也毋用火南方注陽氣盛又用火於其方害微

陰也可以居高明可以遠眺望可以升山陵可以處臺

榭注順陽在上也高明謂樓觀也閣者謂之臺有木者

謂之榭音義

榭音謝觀古喚反閣音都

疏

注正義曰案釋宮云閣謂之臺李巡云積土為之所

以觀望郭景純云積土四方又云無室曰榭李巡云但有大殿無室名曰榭郭景純云榭今之堂堍

仲夏

行冬令則電凍傷穀注子之氣乘之也陽為雨陰起脅

之凝為電音義

電步角反凍丁貢反

道路不通暴兵來至注盜賊

攻劫亦電之類疏

正義曰電凍傷穀天災道路不通暴兵來至人災也

行春令則

五穀晚熟注卯之氣乘之也生日長百騰時起其國乃

饑注騰蝗之屬言百者明衆類並為害音義騰音特食苗葉虫饑

居疑反正義曰五穀晚熟天災百騰又音機疏時起地災其國乃饑人災也行秋令則草木

零落注酉之氣乘之也八月宿直昂畢為天獄主殺音

義零本又作莽音同果實早成注生日短民殃於疫注大陵之

氣來為害也音義殃於良反疫音役疏正義曰草木零落果實早成地災民殃於疫人

也災

季夏之月日在柳昏火中旦奎中注季夏者日月會於

鷄火而斗建未之辰也疏

正義曰案三統曆六月節日在柳九度昏尾七度中去日

一百一十九度旦婁八度中六月中日在張三度昏箕

三度中去日一百一十七度旦胃十四度中元嘉曆六

月節日在井三十二度昏房四度中旦東壁八度中

六月中日在柳十二度昏尾八度中旦奎十二度中其

日丙丁其帝炎帝其神祝融其蟲羽其音徵律中林鐘

其數七其味苦其臭焦其祀竈祭先肺注林鐘者黃鐘

之所生三分去一律長六寸季夏氣至則林鐘之律應

周語曰林鐘和展百物俾莫不任肅純恪音義

去起呂反後放

此任音壬又如疏

注正義曰案律歷志黃鐘長九寸三分去一下生林鐘故林鐘長六寸引

周語以下者證林鐘之義故周語云林鐘和展百物俾莫不任肅純恪案注云坤初六也林衆鐘振肅速純大恪敬言時務和審百事無有詭詐使莫不任其職事速其功而大敬其職

溫風始至蟋蟀居

壁鷹乃學習腐草為螢注皆記時候也鷹學習謂攫搏

也夏小正曰六月鷹始摯螢飛蟲螢火也音義

蟋蟀上音悉下

音率腐扶矩反螢本又作熒戶扃反或作腐草化為螢者非也攫俱縛反一音九碧反搏音博摯音至本亦作

鷲

正義曰蟋蟀居壁者此物生在於土中至季夏羽

同疏翼稍成未能遠飛但居其壁至七月則能遠飛在

野案爾雅釋蟲云蟋蟀蝥也孫炎曰蜻蛚也梁國謂蝥

郭景純云今促織蝥以為蟋蟀斯蝥非也鷹乃學習者

於時二陰既起鷹感陰氣乃有殺心學習搏擊之事案

鄭志焦氏問云仲秋乃鳩化為鷹仲春鷹化為鳩此六

月何言曰鷹學習乎張逸答曰鷹雖為鳩亦自有真鷹可習矣腐草為螢者腐草此時得暑溼之氣故為螢不云化者蔡氏云鳩化為鷹鷹還化為鳩故稱化今腐草為螢螢不復為腐草故不稱化注正義曰攬謂以足取物搏謂以翼擊物云螢飛蟲者案釋蟲云螢火即焘李巡云螢火夜飛腹下如火光故曰即焘天子居

明堂右个乘朱路駕赤駟載赤旂衣朱衣服赤玉食菽與雞其器高以粗注明堂右个南堂西偏也命漁師伐蛟取鼈登龜取鼃注四者甲類秋乃堅成周禮曰秋獻龜魚又曰凡取龜用秋時是夏之秋也作月令者以為此秋據周之時也周之八月夏之六月因書於此似誤

也蛟言伐者以其有兵衛也龜言登者尊之也鼃鼃言

取羞物賤也鼃皮又可以冒鼓今月令漁師為榜人音

義蛟音交鼃大多反又徒丹反鼃音元冒正報反榜必孟反疏正義曰此命漁師及仲夏養壯佼之等皆

是煩細之事或非止一月所為故不言是月也故注云四者甲類秋乃堅成明非獨季夏而取注正義曰引周

禮秋獻龜魚是獻人職文又云凡取龜用秋時是夏之秋也者是龜人職文引之者證作記之人謂此禮是周

之秋八月當夏之六月故誤書於此言記之者非也命澤人納材葦注蒲葦之屬

此時柔刃可取作器物也音義葦于鬼反刃而慎反是月也命四

監大合百縣之秩芻以養犧牲令民無不咸出其力注

四監主山林川澤之官百縣鄉遂之屬地有山林川澤者也秩常也百縣給國養犧牲之芻多少有常民皆當

出力為艾之今月令四為田音義

為艾于偽反下文為民注為求福為其同

以共皇天上帝名山大川四方之神以祠宗廟社稷之

靈以為民祈福注牲以供祠神靈為民求福明使民艾

芻是不虛取也皇天北辰耀魄寶冬至所祭於圜丘也

上帝大微五帝音義

共音恭

疏

正義曰以四監合其秩芻以共皇天上帝其事既大

又異於上故言是月自命婦官至等級之度論禘散文章給郊廟祭祀之服事異於上帝養犧牲故言是月自

樹木方盛至則有天殃論禁斷餘事助時生養亦事異於上故言是月自土潤溽暑至土疆論上暑下潤奠地為宜事異於上故復言是月注正義曰案周禮有山虞澤虞林衡川衡之官秩芻出於山林川澤又季冬云乃命四監收秩薪柴薪柴亦出於山林川澤云百縣鄉遂之屬地有山林川澤者知百縣非諸侯而云鄉遂之屬以其取芻養牲不可大遠故知是畿內鄉遂仲夏云乃命百縣芻祀百辟卿士者兼外內諸侯也此云鄉遂之屬者不兼公卿大夫之采邑秩常釋詁文云今月令四為田者令田監大合秩芻義亦通也為民求福者雖是尋常事神因事神之時為民祈福云是不虛取者若不為祈福浪使民芻芻是在上虛取民力今還祈福與民民皆蒙福是不虛取民力役使之也云上上帝大微五帝者案周禮司服云昊天上帝鄭以為昊天上上帝祗是一神北極耀魄寶也知此皇天上帝不祗是耀魄寶之上帝為大微者以周禮司服云祀昊天上帝大裘而冕祀

五帝亦如之既別云五帝故知昊天上帝亦唯一神  
此月令皇天上帝之下更無別五帝之文故分為二  
是

月也命婦官染采黼黻文章必以法故無或差貸注婦

官染人也采五色音義黼音甫黻音弗貸音二又他得反疏正義曰於此月之時

命掌婦功之官謂染人也染此五色之采白與黑謂之  
黼黑與青謂之黻青與赤謂之文赤與白謂之章染此

等之物必以舊法故事無得有參差貸變必以此月染  
之者以其盛暑溼染帛為宜此是秦法也若周則於夏

豫浸治染纁玄之色至秋乃總染五色故染人云夏纁  
玄秋染夏是也蓋從夏至秋皆得染物周秦各用一時

也此云黼黻文章下云黑黃蒼赤互相備也注正義曰  
案周禮婦官有典婦功典泉染人等此據染采故為染

人采五色者鄭注皋陶謨曰采施曰色未  
用謂之采已用謂之色此對文耳散則通黑黃蒼赤莫

不質良毋敢詐偽注質正也良善也所用染者當得真

采正善也以給郊廟祭祀之服以為旗章以別貴賤等

給之度注旗章旌旗及章識也音義

別彼列反旗音其識申志反又如字

疏

注正義曰旌旗者則周禮司常九旗是也章識者則周禮事名號故司常云官府象其事州里象其名家

象其號鄭注引士喪禮以緇廣三寸長半幅頽末長終幅詩織文烏章是也

是月也樹木方

盛乃命虞人入山行木毋有斬伐注為其未堅刃也音

義

行下孟反

不可以興土功不可以合諸侯不可以起兵動

衆注土將用事氣欲靜疏

注正義曰土雖寄王四季但南方火生中央土土生西方

金火之間位當建未之月  
故云土將用事氣欲靜也

毋舉大事以搖養氣注大

事興徭役以有為音義

徭役音遇

毋發令而待以妨神農之

事也注發令而待謂出徭役之令以豫驚民也民驚則

心動是害土神之氣土神稱曰神農者以其主於稼穡

疏

正義曰發令者發動徵召之令也而待者謂時未順而豫動召以待後時乃使也以妨神農之事者解所

以不豫發令也神農者土神也爾時土神用事若逆令召民民驚心動是妨土神之氣事也注正義曰土神能

吐生萬物成其農事故曰神農知土主稼穡者尚書洪範云土爰稼穡孔傳曰種曰稼斂曰穡蔡氏云神農則

炎帝非  
鄭義也

水潦盛昌神農將持功舉大事則有天殃注言

土以受天雨澤安靜養物為功動之則致害也孝經說

曰地順受澤謙虛開張含泉任萌滋物歸中疏

正義曰六月主

未未值東井東井是水故六月而水潦盛昌也神農將持功者神農猶土神也土神本受天雨澤水潦以為生養之功此月多水故土神方得將持功也舉大事則有天殃者神農方持功若人君有舉大事干養氣者非唯神農罪之則天亦殃罰之也犯土而天罰之者地受天澤得以含養今若干地則是干天也注正義曰解所以犯天殃之義也云動之則致災害者若動地則致天災害是地功由天也云孝經說曰地順受澤謙虛開張者引孝經說證地受天澤為成己功也地體卑順故受天之雨澤而體得謙虛開張也云含泉任萌滋物歸中者亦孝經說也既謙虛開張故能含於水是月也土潤溽泉任萌一切之物並滋繁而歸地中也

暑注潤溽謂塗溼也音義

辱如字本或作溽音同溼也

大雨時行燒

糴行水利以殺草如以熱湯注糴謂迫地芟草也此謂

欲稼菜地先糴其草草乾燒之至此月大雨流水潦畜

於其中則草死不復生而地美可稼也糴人掌殺草職

曰夏日至而糴之又曰如欲其化也則以水火變之音

義

糴他計反又直履反又所銜反菜音來畜勅六反復扶又反夏日入一反

疏

正義曰六月建未未值井

井主水大雨時行土既潤溽又大雨應時行也不云降

雨時行行降也從土潤以下皆為下旬燒糴謂迫地芟  
除草名也周禮立其官使除田草也五月夏至芟殺暴

之至六月合燒之故云燒薙也行水者其時大雨時行  
行於所燒田中仍壅遏蓄之以漬燒薙故云行水也利  
以殺草者利益也先芟後燒又蓄水漬之即草根爛死  
是利益於殺田中之草也如以熱湯者日暴水於爛草  
田中水熱而沫沸如熱湯漬之也注正義曰引薙人證  
芟草時節案薙氏云春始生而萌之夏日至而夷之秋  
繩而芟之冬至而耜之杜子春云萌謂耕反其萌芽  
康成云萌之者以磁具斫其生者夷之以鈎鎌迫地芟  
之也若今取芟矣舍實曰繩芟其繩則實不成熟耜之  
以耜測凍土剗之案皇氏云夷音薙繩音孕云又曰如  
欲其化則以水火變之者謂先以火焚燒其草在後以  
水浸漬之變此瘠地為肥故云水火變之先火後水而  
云水火者可以糞田疇可以美土疆注土潤溥膏澤易  
便言也

行也糞美互文耳土疆強槩之地音義

糞方問反疆其  
文反注同易以

鼓反強其兩疏正義曰於此月之中又可行以下二事也糞壅苗之根也蔡云穀田曰田麻田

曰疇言爛草可以糞田使肥也可以美土疆者疆者疆

際磊砢難耕之地此月亦可止水漬之乃壅糞之使田

美也注正義曰土潤溽則土之膏澤易行故可糞美之

使肥易也蔡前云從土潤以下皆為下句是與鄭相合

也云糞美互文耳者亦可以美田疇可以糞土疆故言

互文也云土疆強際之地者強是不軟際是埤闕也並

謂礫磈磊砢之地也草人職季夏行春令則穀實解落

云疆際用糞疆際強堅者也

國多風欵注辰之氣乘之也未屬巽辰又在巽位二氣

相亂為害音義解音仙又仙典民乃遷徙注象風轉移

物也疏正義曰穀實解落謂解少墮落由風多故也或

云以夏召春氣初解絮而逢秋氣肅殺故穀解

物也疏正義曰穀實解落謂解少墮落由風多故也或

云以夏召春氣初解絮而逢秋氣肅殺故穀解

絮而墮落也此地災也國多風欬此是天災也民乃遷徙是人災也注正義曰案易林云震主庚子午巽主辛丑未坎主戊寅申離主己卯酉艮主丙辰戌兌主丁巳亥是未屬巽也

行秋令則丘隰水

潦注戌之氣乘之也九月宿直奎奎為溝瀆溝瀆與此

月大雨并而高下皆水禾稼不熟注傷於水也乃多女

災注舍任之類敗也疏

正義曰丘隰水潦及禾稼不熟此地災也以其水氣多故也乃

多女災人災也亦為水傷舍任也

行冬令則風寒不時注丑之氣乘之

也鷹隼蚤鷙注得疾厲之氣也音義

隼息允反蚤鷙上音早下音至亦作

鷙擊也四鄙入保注象鳥雀之走窺也都邑之城曰保音

義

竄七 疏 正義曰以丑未屬巽十二月建丑得巽之氣

亂反 故為風又建丑之月大寒中故多風寒此天災也鷹隼蚤驚季夏地氣殺害之象地災也

中央土注火休而盛德在土也音義

中央於相反疏正義曰夫

同是天地所生而四時是氣五行是物氣是輕虛所以麗天物體質碍所以屬地四時係天年有三百六十日則春夏秋冬各分居九十日五行分配四時布於三百六十日間以木配春以火配夏以金配秋以水配冬以土則每時輒寄一十八日也雖每分寄而位本未宜處於季夏之末金火之間故在此陳之也 其日戊

已注戊之言茂也已之言起也日之行四時之間從黃

道月為之佐至此萬物皆枝葉茂盛其含秀者抑屈而

起故因以為日名焉疏

正義曰雖處於夏末而實為四行之主不可沒其生用之功故

因亦為日名也注正義曰案考靈耀春則星辰西遊謂星辰在黃道之西遊也日依常行在黃道之東至季春之月星辰入黃道復其正處日依黃道而行是春夏之間日從黃道夏則星辰北遊謂星辰在黃道之北遊也日依常行在黃道之南至季夏星辰入黃道復正位日依常行黃道至夏秋之間日從黃道也秋則星辰東遊謂星辰在黃道東遊日依常行在黃道之西至季秋星辰入黃道還復正位日依黃道而行至秋冬之間日從黃道也冬則星辰南遊謂星辰在黃道南遊日依常行在黃道之北至季冬星辰入黃道還正位日依常行黃道至冬春之間日從黃道也鄭注洪範云四時之間合於黃道也月之行道與日同故云月為之佐也

其

帝黃帝其神后土注此黃精之君土官之神自古以來

著德立功者也黃帝軒轅氏也后土亦顓頊氏之子曰

犁兼為土官疏

注正義曰案昭二十九年左傳云顓頊氏有子曰犁為祝融共工氏有子曰句

龍為后土后土為土官知此經后土非句龍而為犁者以句龍初為后土後轉為社后土官闕犁則兼之故鄭注大索伯云犁食於火土以宗伯別云社稷又云五祀句龍為社神則不得又為五祀故云犁兼也

**其蟲**

倮注象物露見不隱藏虎豹之屬恒淺毛音義

倮方果反又乎

瓦反見疏

注正義曰大戴禮及樂緯云鱗蟲三百六十賢通反龍為之長羽蟲三百六十鳳為之長毛蟲三

百六十麟為之長介蟲三百六十龜為之長倮蟲三百六十聖人為之長云象物露見不隱藏者以仲夏云可

以居高明可以處臺榭至六月土王之時物轉壯大露見不隱藏也云虎豹之屬恒淺毛者諸鄭之所云皆據

四時之物與鱗羽毛介相似者言之不取五靈之長故中央不言人西云狐貉之屬東方兼言蛇北方兼言鼈是不取五靈也其音宮注聲始於宮宮數八十一屬土者以其

最濁君之象也季夏之氣和則宮聲調樂記曰宮亂則

荒其君驕疏

注正義曰案律歷志五聲始於宮陽數極於九九九相乘故數八十一以五聲中最

尊故云以其最濁君之象也

律中黃鐘之宮注黃鐘之宮最長也十

二律轉相生五聲具終於六十焉季夏之氣至則黃鐘

之宮應禮運曰五聲六律十二管還相為宮疏

正義曰黃鐘之

宮於諸宮為長季夏土王其聲最重謂土之聲氣應此黃鐘之宮聲非黃鐘一聲也故特云律中者黃鐘之宮

也黃鐘候氣之管本位在子此是黃鐘宮聲與中央土聲相應但土無候氣之法取黃鐘宮聲以應土耳非候氣也故賀瑒云黃鐘是十一月管何緣復應此月正以土義居中故虛設律於其月實不用候氣也十二律互相為宮據律主言之也崔靈思云凡陰陽之管合有二律律各為一調迭相為宮而生五聲合而成樂黃鐘宮最長為聲調之始十二宮之主宮音者是五音之長故與黃鐘之調宮聲相應此論宮聲相應非論候此月氣之相應是以注云季夏氣至則黃鐘之宮應不直云黃鐘之律應也然則直言律應不言宮者明主為所候之氣應也直言律中黃鐘之宮不言律應者明謂中央土聲與黃鐘為宮音相應非為氣應也故鄭引禮運云迭相為宮以證之也四時之律皆取氣應而土王之律獨取聲應者一者欲與四行為互二者為無別候土氣之管故也土無候氣之管者以寄王四季之末故從四時之管而不別候也唯以四行末十八日為土之氣也

蔡氏及熊氏以為黃鐘之宮謂黃鐘少宮也半黃鐘九寸之數管長四寸五分六月用為候氣棗六月林鐘之律長六寸七月夷則長五寸三分有餘何以四寸五分之律於六月候之乎又土聲最濁何得以黃鐘半聲相應乎蔡熊之說非也注正義曰不云黃鐘律最長而云黃鐘之宮最長者唯黃鐘宮聲於諸宮最長故云之宮也云十二律轉相生五聲具終於六十者按黃鐘之調均則黃鐘為宮黃鐘生林鐘為徵林鐘生太簇為商太簇生南呂為羽南呂生姑洗為角此是黃鐘一調之五聲凡十二律律各有五聲則總有六十聲故云終於六十聲至禮運更具詳之云季夏氣至則黃鐘之宮應者謂季夏土聲與黃鐘之宮聲相應以其非實候氣故不云黃鐘之律應或本云律應者誤也引禮運還相為宮者證所明十二律循環為宮聲調則具而此經得黃鐘之

宮其數五注土生數五成數十但言五者土以生為本

其味甘其臭香注土之臭味也凡甘香者皆屬之其祀中雷祭先心注中雷猶中室也土主中央而神在室古

者複穴是以名室為雷云祀之先祭心者五藏之次心

次肺至此心為尊也祀中雷之禮設主於牖下乃制心

及肺肝為俎其祭肉心肺肝各一他皆如祀戶之禮音

義

雷力又反複方疏注正義曰鄭意言中雷猶中室乃

服反藏才浪反

疏

注正義曰鄭意言中雷猶中室乃

當棟而在室之中央故喪禮云浴於中雷飯於牖下明中雷不闕牖下也主中央而神在室者所以必在室中

祭土神之義也土五行之主故其神在室之中央也是

明中雷所祭則土神也故杜注春秋云在家則祀中雷

在野則為社也又郊特牲云家主中雷而國主社社神亦中雷神也云古者複穴是以名室為雷云者解所以謂室中為中雷之由也古者謂未有宮室之時也複穴者謂窟居也古者窟居隨地而造若平地則不鑿但累土為之謂之為複言於地上重複為之也若高地則鑿為坎謂之為穴其形皆如陶窰故詩云陶復陶穴是也故毛云陶其土而復之陶其壤而穴之鄭云複者復於土上鑿地曰穴皆如陶然故庾蔚云複謂地上累土謂之穴則穿地也複穴皆開其上取明故雨雷之是以後因名室為中雷也云祀之先祭心者五藏之次心次肺至此心為尊也云祀中雷之禮設主於牖下者開牖象雷故設主於牖下也五祀皆先席於室之奧此不言者前祀戶注已備言也此別設主當廟室牖內之下而止嚮也云乃制心及肺肝為俎其祭肉心肺肝各一他皆如祀戶之禮者亦祭竟徹之更陳鼎俎迎尸如祭戶也

天子居大廟大室乘大路

駕黃駟載黃旂衣黃衣服黃玉食糗與牛其器園以闕

注大廟大室中央室也大路殷路也車如殷路之制而

飾之以黃糗五穀之長牛土畜也器園者象土周布於

四時闕讀如絃絃謂中寬象土舍物音義

園音于權反闕音宏長竹

丈反畜呼又

疏

注正義曰案考工記云周人明堂東西九筵南北七筵凡室二筵則五室並皆

二筵無大小也

今中央室稱太室者以中央是土室土為五行之主尊之故稱大以夏之世室則四旁之室皆

南北三步東西三步三尺中央土室南北四步東西四步四尺則周之明堂亦應土室在中央大於四角之室

也但文不具耳云大路殷路者明堂位文也形制似殷之路者但服色尚黃飾之黃耳四時用鷲路此用大路

者以土五行之主故取尊大之名乘殷之大路又尚質之義春有青蒼兩色夏有朱赤二色此及秋唯有黃白不更加他色者黃與白更無餘色相涉故不言之耳牛土畜者案易乾為馬坤為牛又五行傳云思之不睿則有斗禍是牛屬土也云器園者象土周布於四時者方則有所不足園則無所不覆故云象土周布於四時云閏讀如絃絃謂中寬者祭義云天子冕而朱絃故讀從此絃謂組上屬於冕屈從頤下度而還上屬於冕以中夾寬緩象土之舍物也故云中寬象土舍物也

孟秋之月日在翼昏建星中旦畢中注孟秋者日月會

於鶉尾而斗建申之辰也疏

正義曰案三統歷七月節日在張十八度昏斗四度

中去日一百一十四度旦畢八度中七月中日在翼十五度昏斗十六度中去日一百一十一度旦井初度中

元嘉曆七月節日在張五度昏箕二度中旦胃二度  
中七月中日在翼十度昏斗三度中旦昴七度中  
其

日庚辛注庚之言更也辛之言新也日之行秋西從白

道成熟萬物月為之佐萬物皆肅然改更秀實新成又

因以為日名焉其帝少皞其神蓐收注此白精之君金

官之臣自古以來著德立功者也少皞金天氏蓐收少

皞氏之子曰該為金官音義

少詩召反注下放此少  
皞黃帝之子蓐音辱

疏

注正義曰案此秋云其帝少皞在西方金位左傳昭元  
年云昔金天氏有裔子曰昧為玄冥師生允格臺胎稱

金天氏與少皞金位相當故少昊則金天氏也又帝王  
世紀少皞帝號曰金天氏云少皞氏之子曰該為金官

者案左傳昭二十九年蔡墨云少昊氏之子該又云該為蓐收是為金神佐少皞於秋蓐收者言秋時萬物摧蓐而收斂其蟲毛注象物應涼氣而備寒狐貉之屬生梅毛

出音義

應應對之應絡戶各反依字作豹旃之然反

其音商注三分徵益一

以生商商數七十二屬金者以其濁次宮臣之象也秋

氣和則商聲調樂記曰商亂則陂其官壞音義

陂彼義反疏

注正義曰案律歷志云徵數五十四三分之則一分有十八今於徵數五十有四更加十八是商數七十二也凡五聲濁者專清者卑商音之濁次於宮宮既為君商則為臣故云以其濁次宮臣之象也引樂記云者證商為臣之義云商亂則陂者謂商聲足以感動人心令情性傾陂情既不正是以官司敗壞也

律中夷

則注孟秋氣至則夷則之律應夷則者大呂之所生也

三分去一律長五寸七百二十九分寸之四百五十一

周語曰夷則所以詠歌九則平民無貳疏

注正義曰大呂長八寸二

百四十三分寸之一百四三分去一下生夷則故夷則

律長五寸七百二十九分寸之四百五十一也六寸去

二寸餘有四寸在又大呂一寸為二百四十三分今每

寸更三分之則一寸為七百二十九分兩個整寸總有

一千四百五十八分其大呂二百四十三分寸之一百

四每又三分之此一百四為三百一十二分益前一十

四百五十八則總為一千七百七十分下生三分去一

分作三分則每一分得五百九十去其一分五百九十

餘有一千一百八十在是其積分以七百二十九分為

一寸益前四為五寸餘有四百五十一分在故云夷則

律長五寸七百分二十九分寸之四百五十一也引周語  
以下者證夷則之義案周語注云乾九五用事夷平則  
法也言法度平故可詠歌  
其數九注金生數四成數九  
九功之法平民使不貸也

但言九者亦舉其成數其味辛其臭腥注金之臭味也  
凡辛腥者皆屬焉其祀門祭先肝注秋陰氣出祀之於  
門外陰也祀之先祭肝者秋為陰中於藏值肝肝為尊  
也祀門之禮北面設主於門左樞乃制肝及肺心為俎

奠于主南又設盛于俎東其他皆如祭竈之禮疏

注正義曰

云祀之先祭肝者秋為陰中於藏值肝者以陰氣始於  
五月終於十月其七月八月為陰之中故云秋為陰中

其陽氣始於十一月終於四月正月二月為陽中故正月云春為陽中然陰中之時兼有陽陽中之時兼有陰亦是陰陽之中也今五藏肺最在前心次之肝次之脾次之腎為後肝在心肺之下脾腎之上故云於藏值肝然脾在肺心肝之下腎之上則是上有肺心肝下唯有腎不當其中而云春為陽中於藏值脾者但五行相次水則次木故春繼於冬腎後則次脾其火後則次土土後乃次金故秋不得繼夏由隔於土由此脾不得繼肺隔於心也為此肝之上有肺有心脾之下唯有腎俱得為藏之中也云北面設主於門左樞者謂廟門外左樞北面以在門外故主得南嚮而北面設之云乃制肝及肺心為俎奠于主南設盛於俎東者皆約中雷禮文也其他皆如祭竈之禮也謂祭心脾肝各一及祭醴三并設席於奧迎尸之屬也

涼風至白露降

寒蟬鳴鷹乃祭鳥用始行戮注皆記時候也寒蟬寒蛭

謂蜺也鷹祭鳥者將食之示有先也既祭之後不必盡

食若人君行刑戮之而已音義

戮音六蜺大彫反

疏

注

義曰案釋蟲云蜺寒蜩郭景純云寒螿也似蟬而小青赤云鷹祭鳥者將食之示有先者謂鷹欲食鳥之時先殺鳥而不食與人之祭食相似若供祀先神不敢即食故云示有先也云既祭之後不必盡食若人君行刑戮之而已者以經用始行戮不據事以經唯記時候謂鷹祭鳥之後殺鳥不必盡食猶若人君行刑但戮之而已以人君行戮明鷹之殺言

天子居總章左个乘戎路

駕白駱載白旂衣白衣服白玉食麻與犬其器廉以深

注總章左个大寢西堂南偏戎路兵車也制如周革路

而飾之以白白馬黑鬣曰駱麻實有文理屬金犬金畜也器庶以深象金傷害物入藏音義

總子孔反駱音洛鬣音獵本亦作鬣

音毛又一本作旄尾也

是月也以立秋先立秋三日大史謁之天

子曰某日立秋盛德在金注謁告音義

先悉薦反

天子乃齋

立秋之日天子親帥三公九卿諸侯大夫以迎秋於西

郊還反賞軍帥武人於朝注迎秋者祭白帝白招拒於

西郊之兆也軍帥諸將也武人謂環人之屬有勇力者

音義

帥于類反下同本或作帥注放此朝直遙反拒音矩將子匪反下同

天子乃命將帥

選士厲兵簡練桀俊專任有功以征不義注征之言正

也伐也詰誅暴慢以明好惡順彼遠方注詰謂問其罪

窮治之也順猶服也音義

詰去言反好惡並如字上呼報反下烏路反

是月

也命有司修法制繕囹圄具桎梏禁止姦慎罪邪務搏

執注順秋氣政尚嚴音義

繕市戰反邪似嗟反搏音博

命理瞻傷察

創視折注理治獄官也有虞氏曰士夏曰大理周曰大

司寇創之淺者曰傷音義

創初良反注同

審斷決獄訟必端平

注端猶正也音義

審斷決丁亂反下同蔡徒管反一讀絕句決字下屬

戮有罪嚴

斷刑天地始肅不可以羸注肅嚴急之言也羸猶解也

音義

羸音盈注同  
解古賣反

是月也農乃登穀天子嘗新先薦寢

廟注黍稷之屬於是始熟疏

正義曰棗仲秋云以犬嘗  
麻今不云牲者皇氏云不

云牲記  
文略也

命百官始收斂注順秋氣收斂物完隄坊謹壅

塞以備水潦注備者備八月也八月宿直畢畢好雨音

義

完胡官反隄本又作堤丁兮反坊本  
又作防音房壅於勇反好呼報反

修宮室坏牆垣

補城郭注象秋收斂物當藏也音義

坏步回反  
垣音袁

是月也

毋以封諸侯立大官毋以割地行大使出大幣注古者

於嘗出田邑此其嘗並秋而禁封諸侯割地失其義音

義

使色

疏

注正義曰案祭統古者於嘗也出田邑嘗謂

秋祭於此嘗祭之時王者割出田邑以與諸

侯今正是嘗祭之月而禁封諸侯及割地之事故云失其義也鄭唯偏云不封諸侯及割地失其義則毋立大

官毋行大使毋出大幣為得禮以其收斂之月故也

孟秋行冬令則陰氣大勝注

亥之氣乘之也介蟲敗穀注介甲也甲蟲屬冬敗穀者

稻蟹之屬音義

介音界注同蟹胡買反

戎兵乃來注十月宿直營

室營室之氣為害也營室主武事疏

正義曰陰氣大勝天災介蟲敗穀地

災戎兵乃來人災也注正義曰案越語云越伐吳王使王孫雄請成於越越王欲許之范蠡不許王孫雄謂范

龜曰先人有言曰無助天為虐助天為虐者不祥今吳  
 稻蟹無遺種子將助天為虐乎注稻蟹謂蟹食稻也案  
 元命包云營室星十六度  
 主軍之糧是主武事也  
 行春令則其國乃旱注寅之

氣乘之也雲雨以風除也陽氣復還五穀無實注陽氣

能生而不能成音義

復還扶又反下音環又音旋

疏

正義曰其國乃旱陽氣復還天

災也五穀無實地災也

行夏令則國多火災注已之氣乘之也寒

熱不節民多瘡疾注瘡疾寒熱所為者今月令瘡疾為

厲疫音義

瘡魚略反

疏

正義曰國多火災寒熱不節天災也民多瘡疾人災也

仲秋之月日在角昏牽牛中旦觜觴中注仲秋者日月

會於壽星而斗建酉之辰也音義

觜子斯反又子髓反  
觴戶圭反又戶規反

疏

正義曰三統曆八月節日在軫十二度昏斗二十六度中去日一百六度旦井二度中八月中日在角十

度昏女三度中去日一百六度旦井二十一度中案元

嘉曆八月節日在翼十七度昏斗十四度中旦畢十六

度中八月中日在軫十五度昏

斗二十四度中旦井九度中

其日庚辛其帝少皞其

神蓐收其蟲毛其音商律中南呂其數九其味辛其臭

腥其祀門祭先肝注南呂者大簇之所生三分去一律

長五寸三分寸之一仲秋氣至則南呂之律應周語曰

南呂者贊陽秀物疏

注正義曰大簇長八寸三分去一寸生南呂三寸去一寸六寸去二

寸得四寸又有整二寸在分一寸作三分二寸為六分更三分去一餘有四分在以三分為一寸益前四寸為五寸仍有一分在故云南呂律長五寸三分寸之一也引周語曰以下者證南呂之義案周語注坤六二也南任也陰任陽事助成萬物贊佐也陰佐陽秀成物也盲風至鴻鴈來玄鳥歸羣鳥

養羞注皆記時候也盲風疾風也玄鳥燕也歸謂去蟄也凡鳥隨陰陽者不以中國為居羞謂所食也夏小正曰九月丹鳥羞白鳥說曰丹鳥也者謂丹良也白鳥也者謂閩蚘也其謂之鳥者重其養者也有翼為鳥養也者不盡食也二者文異羣鳥丹良未聞孰是音義音七庚反

閩音文依字作蟲又作蚊蚋人  
說反又如悅反養餘亮反下同疏  
注正義曰盲風疾風  
風為盲風玄鳥燕者釋鳥文玄鳥歸為仲秋之候玄鳥  
至不為仲春之候由別與郊禘為候或可仲春時候非  
一故記時候之中不載玄鳥云凡鳥隨陰陽者不以中  
國為居者凡鳥鴻鴈之屬也故季秋云鴻鴈來賓言來  
賓是不以中國為居皇氏之說即無云玄鳥以其稱歸  
故也然玄鳥之蟄不遠在四夷而亦不以中國為居者  
他物之蟄近在本處今玄鳥之蟄雖不遠在四夷必於  
幽僻之處非中國之所常見故云不以中國為居也云  
蓋謂所食者葦夏小正云葦者進也若食之珍葦相似  
故云葦謂所食者也云夏小正曰九月丹鳥葦白鳥者  
今案大戴禮八月丹鳥葦白鳥今云九月者鄭所見本  
異也丹鳥以白鳥為珍葦故云丹鳥葦白鳥云說曰丹  
鳥也者以下至不盡食皆小正文白鳥也者謂閩蚋也  
其謂之鳥者重其所養者丹良是蟲乃謂之鳥是重其

所養之物不盡食之雖蟲而謂鳥也但未知丹良竟是何物皇氏以為丹良是熒火今案爾雅釋蟲郭氏等諸釋皆不云熒火是丹良未聞孰是者月令云羣鳥養羞夏小正云異羣鳥丹良未聞孰是者月令云羣鳥養羞夏小正云丹鳥羞白鳥是二者文異月令云羣鳥夏小正說者云丹良故云羣鳥丹良未聞孰是

天子居總

章大廟乘戎路駕白駱載白旂衣白衣服白玉食麻與

犬其器廉以深注總章大廟西堂當大室也是月也養

衰老授几杖行糜粥飲食注助老氣也行猶賜也音義

廉七皮反粥之六反字林羊六反

乃命司服具飭衣裳文繡有恒制有

小天度有長短注此謂祭服也文謂畫也祭服之制畫

衣而繡裳音義

飭丑力反後故此

衣服有量必循其故注此謂

朝燕及他服凡此為寒蓋至也詩云七月流火九月授

衣於是作之可也音義

量音亮下度量同朝直遙反為于偽反下為民同

冠帶

有常注因制衣服而作之也乃命有司申嚴百刑斬殺

必當毋或枉撓枉撓不當反受其殃注申重也當謂值

其罪音義

當丁浪反下不當及注同枉紆往反撓女教反人乃絞反字林作撓非重直用反

疏

正義曰此論養老及制衣服之事皆此月所為故言是月所命有司斬殺必當雖異衣服養老但此事起孟秋此月申嚴而已故附於養老衣服之下不更別言是月也自乃命宰祝至先薦寢廟論循行犧牲享祭上帝并

難以達秋氣犬以嘗麻總是祠祀之事事異於上故言  
是月自可以築城郭至行罪無疑論築造城邑收斂積  
聚勸種通論為農為民亦事異於上故云是月自日夜  
分至角斗兩論日夜既等齊平度量又事異於前故言  
是月自易闕市至慎因其類論秋物新成使民財豐備  
無逆於天有順於時是事異於前故言是月衣服有量  
必循其故者此朝燕等之衣服小大長短及制度采色  
皆有度量必因循故法也不得別更改造此云循其故  
上云文繡有恒恒則故也但上是祭服委曲言之注正  
義曰此云文繡又下文別云衣服有量故鄭知此經謂  
祭服也經云具飭衣裳飭謂正也言備具正理衣裳云  
文謂畫也者以經文與繡相對祭服裳繡而衣畫故以  
文為畫也云祭服之制畫衣而繡裳者案尚書咎繇謨  
云子欲觀古人之象日月星辰山龍華蟲作會是衣畫  
也宗彝藻火粉米黼黻絺繡是裳繡也畫色輕故在衣  
以法天繡色重故在裳以法地也此謂朝燕及他服者

上是祭服故知此是朝燕也及他服者謂戰伐田獵等之服引詩七月流火者證寒之益至故作衣服此詩是幽風周公所作周公因管蔡流言遂陳先公居幽施化之事言七月之時火星西流九月之時當授民以衣服申重也釋詁文云當謂值其罪者言斷決罪人之時必須當值所犯之罪經云枉撓不當枉謂違法曲斷撓謂有理不申應重乃輕應輕更重是其不當也

是月也乃命宰祝循行犧牲視

全具案芻豢瞻肥瘠察物色必比類量大小視長短皆

中度五者備當上帝其饗注於鳥獸肥充之時宜省羣

牲也宰祝大宰大祝主祭祀之官也養牛羊曰芻犬豕

曰豢五者謂所視也所案也所瞻也所察也所量也此

皆得其正則上帝饗之上帝饗之而無神不饗也音義

行下孟反芻初俱反草也恭音恚養也以

疏

正義曰此月鳥獸肥

充因宜省視故命之循行犧牲以下之事也視全具者亦宰祝所視也下皆然王肅云純色曰犧體完曰全案芻養者食草曰芻食穀曰養皆養行之也瞻肥瘠者瞻亦視也肥充也瘠瘦也察物色者物色騂騂之別也周禮陽祀用騂陰祀用黝望祀各以其方之色也必比類者已行故事曰比品物相隨曰類五方本異其色是比也大皞配東亦用青是其類也量小大者大謂牛羊豕成牲者小謂羔豚之屬也視長短者謂天地之牛角繭栗宗廟之牛角握之屬也五者備當上帝其饗者上帝天也若事事當法則天神饗之也注正義曰案周禮大宰職祀五帝則掌百官之誓戒及執事眡滌濯及納亨贊王牲事故鄭知此視牲由大宰云養牛羊曰芻犬豕

曰泰者案充人云祀五帝繫于牢易之三月是牛羊曰  
易案樂記云泰豕為酒周禮搞人云掌泰祭祀之犬是  
犬豕  
曰泰 天子乃難以達秋氣注此難難陽氣也陽暑至此

不衰害亦將及人所以及人者陽氣左行此月宿直昴  
畢昴畢亦得大陵積尸之氣氣佚則厲鬼亦隨而出行  
於是亦命方相氏帥百隸而難之王居明堂禮曰仲秋

九門磔攘以發陳氣禦止疾疫音義

難乃多疏注正義反注同曰季冬

及季春難皆難陰氣也恐此亦難陰氣故云難陽氣言  
陽氣至此不衰害亦將及人也秋涼之後陽氣應退至  
此不退是涼反熱故害及於人云亦將及人者亦謂對  
季春言季春之時陰氣右行日在昴畢之間得大陵積

尸之氣故為災今此月陽氣左行至於昴畢亦得大陵積尸之氣故云亦將及人云陽氣左行此月宿直昴畢者以天左旋星辰與斗建循天而行此月斗建在酉西是昴畢本位故云宿直昴畢也其八月合昏之時斗柄建指昴畢本位其昴畢之星於時在寅云氣伏則厲鬼隨而出行者大陵既為積尸秋時又得陽氣增並疾病應氣相感故厲鬼隨而出行云亦命方相氏者亦謂對季冬以周禮季冬命方相氏故云亦也引王居明堂禮者證仲秋難義云以發陳氣者謂秋時涼氣新至發去陽之陳氣防禦禁止疫疠之氣也既引明堂禮仲秋九門磔攘則此亦磔攘也但文不備耳季冬云大難明九門磔攘季冬稱大則貴賤皆為也季春云國難熊氏云唯天子諸侯有國為難此云天子乃難唯天子得難以其難陽氣陽是君象則諸侯以下不得難陽氣也案陰氣陽氣至大陵俱致積尸疫氣案十一月陽氣至于危虛而不難十一月陰氣至于虛危而為難者以十一月

陽氣初起未能與陰相競故無疫疾可難六月宿直柳  
鬼陰氣至微陰始動未能與陽相競故無疾害可難也  
季冬亦陽初起而為難者以陰氣在虛危又是一歲之  
終總除疫氣故為難也其磔攘之牲素小司徒職云小  
祭祀奉牛牲又牧人云凡毀事用騭可也是則用牛也  
羊人云凡沈辜侯禴共其羊牲犬人云凡幾珥沈辜用  
騭可也雞人云面禴共其雞牲則用羊用犬用雞也蓋  
大難用牛其餘雜攘大者用羊用天小者用雞此皆熊  
氏之說也以犬嘗麻先薦寢廟注麻始熟也是月也可以築

城郭建都邑穿竇窖修囷倉注為民將入物當藏也穿  
竇窖者入地隋曰竇方曰窖王居明堂禮曰仲秋農隙

民畢入于室曰時殺將至毋懼其災音義

竇音豆窖古  
考反囷區倫

反隋他界反疏 注正義曰隋者似方非方似圓非圓以謂狹而長

害者實既為隋圓故以害為方也 引王居明堂禮證此

仲秋之時戒勅於民曰此時殺害氣將欲出民當入室 母處田野懼被其災案幽詩十月之後云嗟我婦子曰

為改歲入此室處此仲秋已入室者但仲秋之時耘鋤 既了乘時入室以避陰災未盡成熟須出野收斂至十

月之後又入室 乃命有司趣民收斂務畜菜多積聚注

避寒所以不同 始為禦冬之備音義 趣七住反本又作趨又 乃勸種麥

母或失時其有失時行罪無疑 注麥者接絕續乏之穀

尤重之疏 注正義曰前年秋穀至夏絕盡後年秋穀夏

時未登是其絕也夏時人民糧食闕短是其

之也麥乃夏時而熟是接其絕續其乏也尤重之者以  
黍稷百穀不云勸種於麥獨勸之是尤重故也蔡氏云  
陽氣初胎於酉故八月是月也日夜分雷始收聲蟄蟲坏  
月莽麥應時而生也

戶殺氣浸盛陽氣日衰水始涸注又記時候也雷始收  
聲在地中動內物也环益也蟄蟲益戶謂稍小之也涸

竭也此甫八月中雨氣未止而云水竭非也周語曰辰  
角見而雨畢天根見而水涸又曰雨畢而除道水涸而  
成梁辰角見九月本也天根見九月末也王居明堂禮

曰季秋除道致梁以利農也音義

戶坏音陪浸子鳩反涸  
各反見賢遍反下

同疏

注正義曰知動內物者以雷是陽氣主於動不唯地中潛伏而已至十一月一陽初生震下坤上復

卦用事震為動坤為地是動於地下是從此月為始故云動內物也云蟄蟲益戶稍小之者戶謂穴也以土增益穴之四畔使通明處稍小所以然者以陰氣將至此以環之稍小以時氣尚溫猶須出入故十月寒甚乃閉之也云此甫八月中雨氣未止而云水竭非也者甫始也以雨畢在九月初今此始八月之中對九月為始八月宿直昴畢畢星主雨故云雨氣未止今言水竭非也引周語以下者證九月水始涸不得在八月也云辰角見而雨畢注云辰角大辰蒼龍之角角星名見者朝見東方殺氣日盛雨氣盡也云天根見而水涸者注云天根亢氐之間謂寒露雨畢之後五日天根朝見水潦盡竭又云雨畢而除道水涸而成梁者以國語上文既云水涸下又云水畢除道故云又曰所以除道治梁者國語注治道所以便行旅通也成梁所以使民不涉昏

國語文云辰角見九月本天根見九月末此鄭之言也  
九月本謂九月之初也案律歷志角十二度亢九度天  
根在亢之後辰角與天根相去二十一度餘日較一度  
則九月本與九月末相去二十一日有餘也而韋昭注  
國語辰角見雨畢之後五日天根見不同者蓋辰角見  
後雨以漸而畢畢後五日始天根見中間亦較二十餘  
日也非謂辰角見後五日則天根見也國語皆謂朝見  
以今官歷驗之亦然而皇氏云九月之時辰角天根昏  
見東方未聞也不知何意如此之說此周語所云單襄  
公聘宋假道於陳見靈公與孔寧儀行父如夏云單襄  
公歸告周定王之辭也鄭又引王居明堂禮以下者證  
雨畢水涸在季秋也云除道致梁以利農者農既收則  
當運輦故法地治道水上為梁  
便利民之轉運故云以利農也  
日夜分則同度量平權

衡正鈞石角斗甬是月也易關市來商旅納貨賄以便

民事四方來集遠鄉皆至則財不匱上無乏用百事乃

遂注易關市謂輕其稅使民利之商旅賈客也匱亦乏

也遂猶成也音義

易以歧反注同便婢面反匱其位反注同賈音古又古雅反

凡舉

大事毋逆大數必順其時慎因其類注事謂興土功合

諸侯舉兵衆也季夏禁之孟秋始征伐此月築城郭季

秋教田獵是以於中為之戒焉疏

正義曰關市之處輕其賦稅不為節礙是

易關市也關市既易則商旅自來是來商旅也商旅既來則貨賄自入是納貨賄也以此之故便利民人之事四方總來聚集遠鄉於是皆至貨賄既多則庫財不匱所須皆供故國無乏用上下豐足故百事乃遂遂成也

百事皆成於此之時興舉其事無逆天之大數必須順其陰陽之時謹慎因其事類不可煩亂妄為注正義曰以此月云築城郭故云事謂興土功孟秋云始征伐季秋云教田獵故云合諸侯舉兵衆也但此月上有孟秋始征伐下以季秋教田獵

故云是以於中為之戒焉  
仲秋行春令則秋雨不降注  
卯之氣乘之也卯宿直房心心為大火也草木生榮注

應陽動也音義

應應對

國乃有恐注以火訛相驚音義

恐區疏

正義曰秋雨不降天災草木生榮地災國乃有勇反疏恐人災注正義曰宿直房心心為大火鄭云此

者解仲秋行春令時雨不降之意仲秋是應雨之時今行春之令位當卯致大火之氣火是積陽故時雨不降以火訛相驚者以仲秋致仲春火氣故有火但仲秋為金仲春為木金能尅木又仲秋雨雨水又尅火火竟不

能為害但以訛偽言語相驚故云以火訛相驚

行夏令則其國乃旱蟄蟲不藏

五穀復生注午之氣乘之也音義

復扶又反

疏

正義曰其國乃旱天災也

蟄蟲不藏五穀復生地災也

行冬令則風災數起注子之氣乘之也

北風殺物音義

數所角反

收雷先行注先猶蚤也冬主閉藏

草木蚤死注寒氣盛也疏

正義曰風災數起收雷先行天災草木蚤死地災也

禮記注疏卷十六

禮記注疏卷十六考證

乃命百縣雩祀疏百縣謂諸侯也○臣召南按諸侯雩

祀百辟卿士自不待言此百縣似專指畿內言季夏  
命四監大合百縣之秩芻注曰百縣鄉遂之屬則鄭  
明指畿內矣疏似差

止聲色毋或進注聲謂樂也易及樂春秋說夏至人主  
與羣臣從八能之士作樂五日今止之非其道也○  
臣召南按此鄭據緯書以糾經之違也但記言聲色

是言淫靡流蕩不主音樂以上下句推之猶云省嗜  
欲耳鄭必以樂解聲字則太拘矣且八能之士所作  
者古樂豈可與新聲同日語哉

其神后土注后土亦顓頊氏之子曰犁兼為土官○臣

名南

按此注誤也勾龍官為后土而祀於社即土神

矣何乃疑祝融之以火官兼土官乎孔疏不加糾正  
又引大宗伯以實其說尤無謂也

天子居大廟大室疏以夏月大室○此句疑有脫文

其祀門注秋陰氣出句祀之於門句外陰也句○臣名

南按此文對春祀戶之內陽也門戶本通稱既對舉  
分為春秋二祀則戶屬在內者門屬在外者

水始涸注周語云云疏見靈公與孔寧儀行父如夏云  
○按當作如夏氏各本俱誤

禮記注疏卷十六考證

禮記注疏卷十七

漢鄭氏注 唐陸德明音義 孔穎達疏

月令

季秋之月日在房昏虛中旦柳中注季秋者日月會於

大火而斗建戌之辰也疏

正義曰三統歷九月節日在  
氏五度昏虛二度中去日九

十七度旦張初度中九月中日在房五度昏危三度中  
去日九十三度旦張十八度中案元嘉歷九月節日在

亢一度昏牛八度中旦井二十九度中九月中  
日在氏七度昏女十一度中旦柳十一度中 其日庚

辛其帝少皞其神蓐收其蟲毛其音商律中無射其數  
九其味辛其臭腥其祀門祭先肝注無射者夾鐘之所  
生三分去一律長四寸六千五百六十一分寸之六千  
五百二十四季秋氣至則無射之律應周語曰無射所

以宣布詰人之令德示民軌儀音義

射音亦詰  
貞列反

疏

注正  
義曰

案夾鐘之律長七寸二千一百八十七分寸之千七十  
五下生者三分去一今夾鐘七寸取六寸三分去一有  
四寸在夾鐘以一寸為二千一百八十七分寸今更三分  
之則一寸者分為六千五百六十一分夾鐘二千一百  
八十七分寸之千七十五者又三分之則為三千二百  
二十五其夾鐘整寸有六千五百六十一又以三千二百

百二十五益之總為九千七百八十六分三分去一則  
去三千二百六十二餘有六千五百二十四在故云無  
射律長四寸六千五百六十一分寸之六千五百二十  
四也引周語曰以下者證無射之義云宣布詒人之令  
德示民軌儀者案周語注云乾上九用事無射陽氣上  
升陰氣收藏萬物無射者也詒人后稷布其德教示以  
法儀當及時銍  
獲而收藏之 鴻鴈來賓爵入大水為蛤鞠有黃華豺

乃祭獸戮禽注皆記時候也來賓言其客止未去也大

水海也戮猶殺也音義

來賓高誘注呂氏春秋則云賓  
雀與鄭異蛤古答反鞠本又作

菊九六反豺音柴

疏注正義曰上仲秋直云鴻鴈來今  
季秋云來賓以仲秋初來則過去

故不云賓今季秋鴻鴈來賓者客止未去也猶如賓客  
故云客止未去也大水海也者案國語云雀入于海為

蛤故知大水是海也云戮猶殺也者以經祭獸戮禽禽獸皆殺之但殺獸而又陳戮禽則殺之而已不以為祭故直云戮禽此亦互文也禽獸初得皆殺而祭之後得者殺而不祭也

天子居總章右个

乘我路駕白駱載白旂衣白衣服白玉食麻與犬其器廉以深注總章右个西堂北偏是月也申嚴號令注申

重音義

重直用反

命百官貴賤無不務內以會天地之藏無

有宣出注內謂收斂入之也會猶聚也疏

正義曰於此月之時勅命

百官貴之與賤無不務內內謂收斂其物言貴之與賤無有一人不勤務收斂內物以會天地之藏者會猶趣也言心皆趣嚮天地所藏之事謂心順天地以深閉藏也無有宣出者以物皆收斂時又閉藏無得有宣露出

散其物以  
逆時氣

乃命冢宰農事備收注備猶盡也舉五穀之

要注  
定其租稅之簿音義

簿步古反徐步各反

藏帝籍之收於神

倉祇敬必飭注重粢盛之委也帝籍所耕千畝也藏祭

祀之穀為神倉祇亦敬也音義

收如字又守又反委紆偽反

疏

正義曰帝

籍者供上帝之籍田也神倉者貯祀鬼神之倉也言天

子於此月命冢宰藏此帝籍所收禾穀於此神倉之中

當須敬而復敬必使飭正注正義曰委謂委積之物重

此粢盛委積之物故內於神倉公羊傳桓十四年御廩

災御廩者何粢盛委之所藏皇氏云委謂輸也其義非

云帝籍所耕千畝者鄭康成云籍之言借也借民力所

治之田也祭義云天子為籍千畝冕而朱紘躬秉耒祭

統云天子親耕於南郊是籍田在南郊也云藏祭祀之

穀為神倉者以其供神之物故曰神倉祇亦敬者經有敬字祇又訓為敬故云祇亦敬言敬者恒以敬敬為心不有怠慢也 是月也霜始降則百工休注寒而膠漆之作不

堅好也疏

正義曰上文自申嚴號令至祇敬必飭論務內必須敬慎從此霜始降至習吹論霜降寒

來人皆入室又為饗帝當習吹順時氣習吹雖與入室不同但饗帝大事則須更云是月故習吹之事附於入室之下自大饗帝至無有所私論大饗明堂及嘗犧牲告備併諸侯來歲之制稅民輕重貢賦之數皆大事相連事異於上故言是月天子乃教田獵及祭禽于四方論順時田獵以習兵戎事異於前故言是月草木黃落至供養之不宜論草木黃落蟄蟲閉戶斷決獄刑收減祿秩事異於前故又言是月天子以天嘗稻先薦寢廟事重故特乃命有司曰寒氣總至民力不堪其皆入室言是月也

注總猶猥卒音義

猥卒溫罪反  
下七忽反

上丁命樂正入學習吹

注為將饗帝也春夏重舞秋冬重吹也音義

吹昌睡  
注同為

偽反下文縣為

疏注正義曰以下有饗帝之文此有  
注主為又為同疏吹之事故云為將饗帝其習舞吹

用丁者取其丁壯成就之  
義欲使學者藝業成故也

是月也大饗帝注言大饗者

遍祭五帝也曲禮曰大饗不問卜謂此也疏

注正義曰  
若祭一帝

之時則禮器謂之饗帝今云大饗故知徧祭五帝也此  
大饗與帝連文故謂祭天禮器大饗其王事與彼下云

三牲魚腊九州之美味是四方助祭之物故以大饗為  
裕也與此不同引曲禮云大饗不問卜謂此者以曲禮

大饗不云帝此云大饗帝不云不問卜恐是別事諸儒  
多以為疑故鄭執之云曲禮所云謂此也鄭必知曲禮

大饗非指禘祭必是此大饗帝者以周禮祀大神饗大  
鬼帥執事而卜日若禘祭不得云不問卜也此謂五帝  
皆饗莫適卜可從故  
嘗犧牲告備于天子注嘗者謂嘗  
知不問卜謂此也

羣神也天子親嘗帝使有司祭于羣神禮畢而告焉疏

正義曰嘗犧牲者謂嘗祭羣神以犧牲於時有司嘗祭  
其事既畢告祭備具於天子也注正義曰此犧牲之文  
繼饗帝之下知非欲饗帝之時使有司展犧牲告其備  
具而云嘗謂嘗羣神者以四月大雩以祈穀實雩上帝  
之後云雩祀百辟卿士是雩帝之外別雩羣神九月大  
饗以報功明饗帝之外亦饗羣神故知此嘗嘗羣神云  
使有司祭於羣神者以其經云告備于天子故知是有  
司帝是尊神故知天子親祭經云饗帝鄭云天子親嘗  
者嘗是秋祭之名因經有嘗犧牲之  
文雖天子亦曰嘗以秋物新成故也合諸侯制百縣為

來歲受朔日與諸侯所稅於民輕重之法貢職之數以  
遠近土地所宜為度以給郊廟之事無有所私注秦以  
建亥之月為歲首於是歲終使諸侯及鄉遂之官受此  
法焉合諸侯制者定其國家宮室車旗衣服禮儀也諸  
侯言合制百縣言受朔日互文也貢職所入天子凡周

之法以正月和之正歲而縣於象魏音義

合諸侯制絕句縣音玄

疏正義曰合諸侯制者秦十月為歲首此月歲之終也

將入新歲故此合諸侯之法制又命百縣為來歲受

朔日之政令并授諸侯所稅於民輕重之法貢職之數  
天子有朔日政令諸侯所稅民輕重之法貢職之數皆

天子制之百縣此月來受處分故云受朔與諸侯所稅於民輕重之法貢職之數皆天子之制言與者兼事之辭以遠近土地所宜為度者言定稅輕重入貢多少皆以去京遠近之差土地所宜之物為節度無有所私者言既給郊廟重事其百縣等物無得有所偏私不如法制也注正義曰案史記秦文公獲黑龍自為水瑞命河為德水以十月為歲首云定其國家宮室車旗衣服禮儀者此皆周禮典命文也彼注云國家國之所居謂城方也云互文者諸侯言合制則百縣亦合制百縣言來歲受朔日則諸侯亦來歲受朔日也故云互文諸侯謂畿外國百縣謂鄉遂云貢職謂所入天子者以經云稅於民輕重之法又云貢職之數其文既重故知稅於民者是積貯本國貢職之數者是輸納天子云周之法以正月和之者案大宰職正月之吉始和布治于邦國都鄙云正歲而縣於象魏者小宰職是月也天子乃教於云正歲縣治象之法于象魏是也

田獵以習五戎班馬政注教於田獵因田獵之禮教民

以戰法也五戎謂五兵弓矢爰予戈戟也馬政謂齊其

色度其力使同乘也校人職曰凡軍事物馬而頒之音

義爰音殊予亡侯反度大各反疏正義曰天子乃教於

殺之時乃教人以戰法於田獵之事謂因田獵而教之

也以習五戎者謂於田獵之時令人習用五種兵戎之

器班馬政者謂班布乘馬之政令注正義曰知五戎是

五兵者以別云班馬政則五戎非馬也下文云七騶咸

駕則知五戎非五戎車也且車不須更習故知五戎五

兵也案周禮司兵掌五兵鄭司農注五兵者戈爰戟首

矛夷矛後鄭又注云步卒之五兵則無夷矛而有弓矢

如鄭所云則此注據步卒五兵弓矢一也爰長丈二二

也矛長二丈三也戈長六尺六寸四也戟長一丈六尺五也此隨便而言不依周禮長短之次也云馬政謂齊其色度其力者案毛詩傳云宗廟齊豪尚純也戎事齊力尚強也田獵齊足尚疾也此對文言之則戎事齊力故校人職云凡軍事物馬而頒之注云物馬齊其力但戎事以力為主耳亦須齊色故詩云駟騶彭彭是齊色也

命僕及七駟咸駕載旗旒授車以級整設于屏外注

僕戎僕及御夫也七駟謂趣馬主為諸官駕說者也既駕之又為之載旌旗司馬職曰仲秋教治兵如振旅之陳辨旗物之用王載大常諸侯載旂軍吏載旗師都載旛鄉遂載物郊野載旒百官載旗是也級等次也整正

列也設陳也屏所田之地門外之蔽音義

駟側求反載丁代反又如

走反說同旒音北級九立反趣七住反又七疏正義曰前

乃命戎僕御夫及七駟等皆以馬駕車又載旌旒既畢

之外東西廂以為行陳於是司徒在兩行之間北面誓

誓之也注正義曰案周禮戎僕掌馭戎車故知僕是戎

僕也以其教戰故不用田僕云及御夫者案周禮馭夫

掌馭從車使車注云從車戎路田路之副也使車驅逆

之車故知及御夫也云七駟謂趣馬主為諸官駕說者

案周禮趣馬職云掌駕說之頌謂第次也是貴賤等列

故云為諸官駕說也七駟者皇氏云天子馬有六種種  
別有駟則六駟也又有總主之人并六駟為七故為七  
駟引司馬職以下者證九旗之異也載旌旒者課舉以

言之案周禮司常云日月為常交龍為旂通帛為旌雜帛為物熊虎為旗烏隼為旟龜蛇為旐全羽為旛折羽為旟及國之大閱贊司馬頒旗物王建大常諸侯建旂孤卿建旌大夫士建物師都建旗州里建旗縣鄙建旒道車載旒旒旒車載旒注云師都六鄉六遂大夫也州里縣鄙鄉遂之官互約言之則州里謂鄉中之州長黨正族師遂中里宰鄰長也縣鄙者遂中縣正鄙師鄰長及鄉之閭胥比長也道車象路也視朝行道旒車木路也王以田以鄙此是仲冬大閱之時各象治民之事空習其事故所建旒旗不如仲秋治兵實出軍之事故鄭注大司馬云空辟實也言大閱是空治兵是實故云空辟實實者則此所引司馬職仲秋治兵是也案司馬職云王載大常諸侯載旂軍吏載旗師都載旌鄉遂載物郊野載旒百官載旗注軍吏諸帥也師都遂大夫也鄉遂鄉大夫也或載旌或載物衆屬軍吏無所將也郊謂鄉遂之州長縣正以下也野謂公邑大夫載旒者以其將

羨卒也百官卿大夫也載旗者以其屬衛王也案周禮云鄉遂今此注師遂載物者轉寫誤也既以師都為遂大夫載旗無容故違周禮云鄉遂載物然王侯所載與仲冬大閱同尊故不變也其餘則異隨時事也以其出兵教戰故無道車旂車也其王建大常皆乘戎路異於在國也故司常注云玉路金路不出春教振旅者以陽氣方長兵宜止息也夏教芟舍者以草木茂盛故教以芟舍秋教治兵者以殺氣方盛則弭邪惡故教兵冬教大閱者以冬閉無事備習威儀故因其田獵教以簡閱云屏所田之地門外之蔽者案詩傳云揭纏旃以為門驅而入擊則不得入既門外驅車則不得有屏此門外之屏者蓋車入之時則去屏無事之時則設屏也司徒摺扑北面誓之注誓衆以軍法也音義摺如字又音疏正義曰司徒地官掌邦教教誓者也故司徒職云施十有二教八日以誓教恤則民不怠司馬職云遂以

蒐田有司表貉誓民鄭云有司大司徒也掌大田役治

徒庶之政令誓民誓以犯田法之罰也誓曰無干車無

自後射案於經注則司徒主誓今田獵出軍亦於所獵

之地而摺扑北面誓之也摺插也注正義曰軍法之誓

有異田獵之誓則云無干車如蒐田之法也今此大閱

之誓以依軍法故司馬仲冬大閱云羣吏聽誓于陳前

斬牲以左右徇陳曰不用命者斬之鄭注云凡誓之大

畧甘誓湯誓之屬是也今又案經注則軍法之誓必斬

殺也其誓尚書甘誓云左不攻于左右不攻于右予則

擊戮汝之屬是也然鄭注司馬仲冬大閱引此九月季

秋之令將為大閱之誓而云作月令者說季秋之政於

卷十七

義俱得  
通也  
天子乃厲飾執弓挾矢以獵注厲飾謂戎服尚

威武也今月令獵為射音義

又音協反

疏

注正義曰厲飾謂嚴厲武

猛容飾定本飾謂容飾也俗本作飭非也熊氏云謂戎服者韋弁服也以秋冬之田故韋弁服若春夏則冠弁服故司服云凡甸命主祠祭禽于四方注以所獲禽祀冠弁服義或然也

四方之神也司馬職曰羅弊致禽以祀枋音義

枋鄭注周禮音

方疏

正義曰謂獵竟也主祠謂典祭祀者也禽者獸之通名也四方四方有功於方之神也四時田獵皆

祭宗廟而分時各以為主也春時土方施生獵則祭社為主也夏時陰氣始起象神之在內獵則祭宗廟為主也秋時萬物以成獵則以報祭社及四方為主也冬時萬物衆多獵則主用衆物以祭宗廟而亦報於物有功

之神於四方也此天子獵既畢因命典祀之官取田獵所獲之禽還祭於郊以報四方之神也冬臘何知亦然案鄭注秋獮祀方云秋田主祭四方報成萬物詩曰以社以方傳云方迎四方氣於郊也鄭又云秋祭社與四方為五穀成熟報其功也又司馬冬狩云致禽饁獸于郊入獻禽以享烝鄭云冬田主用祭物多衆得取也致禽饁獸于郊聚所獲禽因以祭四方神於郊也月令季秋天子既田命主祠祭禽四方是也入又以禽祭宗廟案於經注更相引證如可見矣其祭四方但用此禽又用別牲故甫田云與我犧羊以社以方是也此祀四方者謂四方五

是月也草木黃落乃伐薪為炭注伐木必

因殺氣音義

炭吐旦反

蟄蟲咸俯在內皆瑾其戶注瑾為塗

閉之辟殺氣音義

瑾其斬反辟音避

疏也正義曰俯垂頭也瑾塗前月但藏而坏戶至

此月既寒故垂頭嚮下以隨陽氣陽氣稍沈在下也而又塗塞其戶穴以避地上陰殺之氣也乃趣獄

刑毋留有罪注殺氣已至有罪者即決也音義

趣音促又七住

反

收祿秩之不當供養之不宜者注天氣殺而萬物咸

藏可以去之也祿秩之不當恩所增加也供養之不宜

欲所貪者熊蹯之屬非常食音義

當丁浪反注同供養九用反下餘亮反注

同去起呂反者市志

疏

正義曰春夏陽氣寬施許人主從時雖祿秩不當亦所權許今

秋陰氣急斂禁罰必當是春夏所權置者今悉收停之

也祿秩不當謂彼人不應得祿而主恩私與之者供養

不宜謂非常之膳

是月也天子乃以犬嘗稻先薦寢廟

注稻始熟也季秋行夏令則其國大水冬藏殃敗民多

軌噫注未之氣乘之也六月宿直東井氣多暑雨音義

軌音求說文云病疏正義曰其國大水天災冬藏  
塞鼻室噫丁計反殃敗地災民多軌噫人災 行冬

令則國多盜賊邊竟不寧土地分裂注丑之氣乘之也

極陰為外邊竟之象也大寒之時地隆圻也音義境注

及後同隆六中 疏正義曰國多盜賊邊竟不寧人災土  
反圻丑白反 地分裂地災注正義曰以十一月一

陽生十二月二陽生陽在內伏於地 行夏令則煖風來  
下四陰在地上故云極陰為外也

至民氣解情注辰之氣乘之也巽為風音義煖乃管反  
又許元反

解古買反  
情徒臥反  
師興不居注辰宿直角角主兵不居象風行

不休止也疏

正義曰煖風來至天災民氣解情師興不居人災

孟冬之月日在尾昏危中旦七星中注孟冬者日月會

於析木之津而斗建亥之辰也音義

析思疏正義曰案歷反疏三統歷十

月節日在尾十度昏危十四度中去日八十九度旦翼

初度中十月中日在箕七度昏室十度中去日八十六

度旦軫五度中案元嘉歷十月節日在心二度昏危一

度中旦張八度中十月中日在尾十二度昏危十三度

中旦翼其日壬癸注壬之言任也癸之言揆也日之行

八度中

冬北從黑道閉藏萬物月為之佐時萬物懷任於下揆

然萌芽又因以為日名焉其帝顓頊其神玄冥注此黑  
精之君水官之臣自古以來著德立功者也顓頊高陽

氏也玄冥少皞氏之子曰脩曰熙為水官音義

顓頊音專  
項音許

玉反冥亡丁反少昊之二子  
修及熙為玄冥玄冥水官

疏

注正義曰案五帝德云  
顓頊高陽氏姬姓也又

帝王世紀云生十年而佐少皞十二年而冠二十年而  
登帝位在位七十八年而崩以水承金也云玄冥少皞  
氏之子曰脩曰熙者案昭二十九年左傳云少皞氏有  
子曰脩曰熙又云脩及熙為玄冥是相代為水官也

其蟲介注介甲也象物閉藏地中龜鼈之屬音義

滅鼈必反

其音羽注三分商去一以生羽羽數四十八屬水者以

為最清物之象也冬氣和則羽聲調故樂記曰羽亂則

危其財匱音義

匱其位反疏

注正義曰商數七十二三分之

餘有四十八故羽數四十八也其數既少故為最律中

應鐘注孟冬氣至則應鐘之律應鐘者姑洗之所生

三分去一律長四寸二十七分寸之二十周語曰應鐘

均利器用俾應復音義

應應對之應注同

疏

注正義曰姑洗之律長七寸九分寸

之一三分去一則六寸去二寸有四寸在餘有整一寸

九分寸之一更三分一寸為二十七分寸九分寸之一為

三分并二十七分寸總為三十分三分去一去其十分餘

有二十分在故云應鐘律長四寸二十七分寸之二十

也引周語以下者證應鐘之義案春秋說云應其鐘注  
 云應鐘應其種類律歷志應鐘言陰氣應無射該藏萬  
 物而雜陽闋種注闋藏塞也陰雜陽氣藏塞為萬物作  
 種晉灼曰外閉曰闋以此言之云應其種類正謂應無  
 射也云均利器用俾應復者案周語注坤六三用事應  
 當也言陰當代陽用事百物可種藏則均利百工之器  
 俾應復者陰陽用事終而復始也其數六注水生數一成數六但言六

者亦舉其成數其味鹹其臭朽疏水之臭味也凡鹹朽

者皆屬焉氣若有若無為朽音義朽許九反本亦作朽字林云朽腐也說文

云朽或為朽字其祀行祭先賢注冬陰盛寒於水祀之於行從

辟除之類也祀之先祭賢者陰位在下腎亦在下腎為

尊也行在廟門外之西為較壤厚二寸廣五尺輪四尺  
祀行之禮北面設主于較上乃制腎及脾為俎奠于主  
南又設盛于俎東祭肉腎一脾再其他皆如祀門之禮

音義

辟必亦反又婢亦反較步曷反疏注正義曰知行  
壤如文反厚戶豆反廣古曠反在廟門外之西

者約禮弓云毀宗躐行自此以下皆中雷禮文廣五尺  
輪四尺者謂較壇東西為廣南北為輪常祀行神之壇  
則然若於國外祖道較祭其壇隨路所嚮而為廣輪尺  
數同也案鄭注聘禮云禮畢乘車轆而遂行唯車之一  
輪轆耳所以然者以兩輪相去八尺今較唯廣五尺故  
知不兩輪俱轆云北面設主較上者以主須南嚮故人  
北面設之其主則鄭注大馭云蓋以菩芻棘柏為神主也  
水始冰地始凍雉入大水

為蜃虹藏不見注皆記時候也大水准也大蛤曰蜃音

義

蜃常忍反見賢通及下注錄見同

疏

注正義曰知大水准者晉語云雉入于淮為蜃

天子居

玄堂左个乘玄路駕鐵驪載玄旂衣黑衣服玄玉食黍

與彘其器閔以奄注玄堂左个北堂西偏也鐵驪色如

鐵黍秀舒散屬火寒時食之亦以安性也彘水畜也器

閔而奄象物閉藏也今月令曰乘軫路似當為軫字之

誤也音義

驪力知反鐵他結反軫之忍反軫之刃反

疏

正義曰春云載青旂衣青衣服蒼玉青深

而蒼淺旂與衣雖人所常用不可淺深異色故同用青也玉是自然之色不可純青故用蒼之淺色夏云載赤

旂衣朱衣服赤玉與春不類者蓋以朱深而赤淺旂可用淺衣必用深故衣旂異色赤玉與蒼玉同俱是其色淺也冬云戴玄旂衣黑衣服玄玉者亦以黑深而玄淺旂用淺色故其色玄衣用深色故其色黑與夏亦同服玄玉者玉從自然之色故其色淺而用玄玉也猶如夏云赤玉春云蒼玉相似也注正義曰鄭注云乘軫路軫是車之後材路皆有軫何得云乘軫路此軫字當衣旁著軫軫是玄色故以今月令軫字似當為軫字錯誤以車旁為軫必知軫字為色者以此經云乘玄路玄軫義同故昏禮云女從者畢軫玄鄭雖以軫為同要軫是玄類之

是月也以立冬先立冬三日大史謁之天子曰某日立冬盛德在水天子乃齋注謁告音義先悉薦反立冬之日

天子親帥三公九卿大夫以迎冬於北郊還反賞死事

恤孤寡注迎冬者祭黑帝叶光紀於北郊之兆也死事

謂以國事死者若公叔禺人顏涿聚者也孤寡其妻子

也有以惠賜之大功加賞音義遇涿竹角反又作椽同

疏正義曰亦率羣臣至北郊迎黑帝叶光紀而顛項玄

還於郊反亦反於朝也賞死事謂臣人有為國事死者

北郊還因殺氣之盛而賞其家後也恤孤寡者恤供給

也孤寡即死事者妻子也財祿供給之也注正義曰舉

死事之人證之也春秋左傳魯哀十一年魯師與齊戰

公叔務人曰上不能謀士不能死何以治民吾既言之

矣敢不勉乎乃與其嬖僮汪錡赴敵皆死雖無賞賜之

文而亦死事之義故以證之哀二十三年晉知伯親禽

顏庚注云齊大夫顏涿聚二十七年齊師將與屬孤子

三日朝設乘車兩馬繫五色焉召顏涿聚之子晉曰隰之役而父死焉今若命女以是邑也服車而朝是其加賞也兼平常惠賜養幼少恤孤寡亦是也

是月也命大史釁龜筮占兆審卦

吉凶注筮著也占兆龜之繇文也周禮龜人上春釁龜

謂建寅之月也秦以其歲首使大史釁龜筮與周異矣

卦吉凶謂易也審省錄之而不釁筮筮短賤於兆也今

月令曰釁祠祠衍字音義

釁許靳反筮初格反著音尸錄直又反

疏

正義曰從

命大史至無有掩蔽論釁祠龜筮察阿黨事異於上立冬之日故別言是月也從天子始養至貴賤之等級論天子身事及命飭百官蓋藏之事及喪紀棺槨等級以事異於上故言是月也自命工師至以窮其情論飭工

匠營造盡情事異於前故言是月自大飲烝至射御角力論祭祀之事勞農講武亦事異於前故更言是月自乃命水虞至行罪無赦論收斂藪澤之賦必須得所勿侵削下民亦事異於前故言是月也是月大史之官釁龜筮謂殺牲以血塗釁其龜及筮筮謂著也亦以血塗之占兆者龜之繇文非但釁此龜筮又釁此占兆繇文此占兆之語蒙上釁文也審卦吉凶著卦吉凶謂易也易有六十四卦或吉或凶故云卦吉凶卦之吉凶但是筮耳筮短賤於龜兆不得塗釁但省視錄之而已故云審卦吉凶卦既云吉凶明兆亦有吉凶但占兆與龜筮連文故畧而不言吉凶也注正義曰曲禮云筮為筮知是著也云占兆龜之繇文者上與龜筮不同下與卦吉凶又別故言龜之繇文則占兆之書也即周禮大卜云其經皆百有二十其頌皆千有二百是也引周禮龜人上春釁龜謂建寅之月秦以孟冬為歲首謂建亥月釁龜筮故云與周異也鄭之此注與周禮不同周禮云上

春釁龜注引月令孟冬釁祠龜策相互矣者周禮云上  
春釁龜明秦亦以上春釁龜秦以孟冬釁龜筴明周亦  
孟冬釁龜筴故云相互也注周禮又云月令秦世之書  
亦或欲以歲首釁龜耳則與此同也謂秦十月為歲首  
一釁而已周禮上春者亦謂夏之建寅之月但歲首一  
釁而已無一年兩釁之事此鄭氏注周禮別解其義也  
今此月令之注與周禮上春釁龜以為建寅之月則此  
與周禮不同彼此鄭為兩解也云審省錄之而不釁筮  
短賤於兆者以卦吉凶謂易也直言審不云釁故言審  
省錄之而不釁所以不釁者易是筮卦之書賤於龜之  
書故龜錄云釁之筮書則省錄而已觀鄭注占兆釁之  
分明而皇氏云唯釁龜筴命大史唯占視兆書不釁與  
鄭注違其義非也云筮短者左傳僖四年晉獻公卜驪  
姬不吉筮之吉公曰從筮卜人曰筮短龜長不如從長  
杜元凱注云筮以數告故短龜以  
象示故長是筮短龜長之事也

是察阿黨則罪無有

掩蔽注阿黨謂治獄吏以私恩曲撓相為也音義

偽為于反

下為仲冬為

天子皆同 疏正義曰是察阿黨者謂當是正審察獄吏阿黨之事則在下犯罪之人獄吏不

能掩蔽故云

無有掩蔽 是月也天子始裘注九月授衣至此可以

加裘命有司曰天氣上騰地氣下降天地不通閉塞而

成冬注使有司助閉藏之氣門戶可閉閉之窓牖可塞

塞之音義

上時掌反又如字下上世同

命百官謹蓋藏注謂府庫困

倉有藏物音義

藏才浪反又如字

命司徒循行積聚無有不斂

注謂芻禾薪蒸之屬音義

行下孟反積聚子賜反或七柱反又才屢反仲冬同 疏

正義曰若以易卦言之七月三陽在上則天氣上騰三陰在下則地氣下降也今十月乃云天氣上騰地氣下降者易含萬物言非一槩周流六虛事無定體若以爻象言之則七月為天氣上騰地氣下降若氣應言之則從五月地氣上騰至十月地氣六陰俱升天氣六陽並謝天體在上陽歸於虛無故云上騰地氣六陰用事地體在下陰氣下連於地故云地氣下降各取其義不相妨也

坏城郭戒門閭脩鍵閉

慎管籥固封疆備邊竟要塞謹關梁塞徯徑注坏益

也鍵牡閉牝也管籥搏鍵器也固封疆謂使有司循其

溝樹及其衆庶之守法也要塞邊城要害處也梁橋橫

也徯徑禽獸之道也今月令疆或為壘音義

鍵其輦反又其脰反

齋羊灼反疆居良反注及下注同塞先代反注同塞僕  
上先則反下音奧徑古定反牡亡古反又茂后反搏音  
博一本作傳直專反疏正義曰城郭當須牢固故言坏  
處尺慮反置音徒門閭備擬非常故云戒鍵閉或  
有破壞故云脩管籥不可妄開故云審封疆理當險阻  
故云固邊竟防擬盜賊故云備要塞理宜牢固故云完  
關梁禁禦姦非故云謹徑細小狹路故須塞皆隨事  
戒約故設文不同也注正義曰鍵牡閉牝者凡鑲器入  
者謂之牡受者謂之牝若禽獸牝牡然管籥與鍵閉別  
文則非鍵閉之物故云搏鍵器以鐵為之似樂器之管  
籥摺於鑲內以搏取其鍵也案檀弓注云管鍵也則管  
鍵一物此為別者熊氏云管是鍵之伴類仍非鍵也注  
稱管鍵者以類言之若云鄰里然也管籥云搏鍵器則  
管籥一物義或然也而何胤云鍵是門扇之後樹兩木  
穿上端為孔閉者謂將扃闢門以內孔中案漢書五行  
志每云牡飛及牝亡謂失其鑲須須則牡也何胤云兩

邊樹木非其義也云固封疆謂使有司循其溝樹及其  
衆庶之守法者溝樹謂掘溝塹而種樹木也令使衆庶  
之可守  
飭喪紀辨衣裳審棺槨之薄厚塋丘壟之大小高

卑厚薄之度貴賤之等級注此亦閉藏之具順時飭正  
之也辨衣裳謂襲斂尊卑所用也所用又有多少音義

塋音營塋力勇反襲音疏注正義曰其衣裳襲斂多少  
習斂力驗反又力檢反及棺槨厚薄具在喪大記丘  
壟小大案鄭注家人云漢律列侯墳高四丈關內侯以  
下各有等差又禮弓注云墳高四尺蓋周之士制外無

文是月也命工師效功陳祭器按度程毋或作為淫巧

以蕩上心必功致為上注霜降而百工休至此物皆成

也工師工官之長也效功錄見百工所作器物也主於

祭器祭器尊也度謂制大小也程謂器所容也淫巧謂

奢偽怪好也蕩謂搖動生其奢淫音義

效戶教反巧如字又苦孝反注

同致直吏反下注同長丁丈反物勒工名以考其誠注勒刻也刻工姓

名於其器以察其信知其不功致功有不當必行其罪

以窮其情注功不當者取材美而器不堅也音義

當丁浪反

注疏正義曰於是之時冬閉無事百工造作器物恐為同疏淫巧故命工師之官師長也命此工官之長效實

百工所造之物陳列祭器善惡按度程者謂放按此器舊來制度大小及容受程限多少毋或作為淫巧者或

有也勿得有作過制之巧以搖動在上生奢侈之心必  
功致為上者言作器不須靡麗華侈必功力密致為上  
又每物之上刻勒所造工匠之名於後以考其誠信與  
不若其用材精美而器不堅固則功有不當必行其罪  
罰以窮其詐偽之情注正義曰百工造作器物則諸器  
皆營今經直主於祭故云主於祭器祭器尊也度謂制  
大小程謂器所容者以經度程文別度是制度大小  
除制度之外唯有容受多少故以程為器所容也

月也大飲烝注十月農功畢天子諸侯與其羣臣飲酒

於大學以正齒位謂之大飲別之於他其禮亡今天子  
以燕禮郡國以鄉飲酒禮代之烝謂有牲體為俎也黨  
正職曰國索鬼神而祭祀則以禮屬民而飲酒于序以

正齒位亦謂此時也詩云十月滌場朋酒斯饗曰殺羔  
羊躋彼公堂稱彼兕觥受福無疆是頌大飲之詩音義

別彼列反索所百反屬之玉反下同滌大歷疏正義曰  
反場直良反躋子兮反兕除履反觥古宏反疏言於是

月之時天子諸侯與羣臣大行飲酒為饗禮以正齒位  
烝升也升此牲體於俎之上故云大飲烝注正義曰天

子諸侯與其羣臣飲酒於太學者案此大飲烝是天子  
之禮詩豳風躋彼公堂序諸侯之事是諸侯之禮故云

天子諸侯與羣臣也豳詩云躋彼公堂毛傳云公堂學  
校也黨正以禮屬民飲酒于序故云此飲酒於太學也

云以正齒位者約黨正文必約黨正者以此是孟冬黨  
正云國索鬼神謂蜡祭也與此同月故鄭下注引黨正

文亦謂此時也云烝謂有牲體為俎者案國語云王公  
立飫則有房烝此既大飲饗禮當用房烝半體之俎若

黨正飲酒雖饗而用饋烝故宣十六年左氏云王享有  
體薦宴有折俎公當享卿當宴是也鄭又引黨正及詩  
者證大飲是十月正齒位飲羣臣之事云十月滌場者  
謂場功畢入滌埽其場朋酒斯饗者毛傳云兩樽曰朋  
鄭云饗謂饗禮而殺羔羊行禮之時升彼公之學校之  
堂舉彼兕觥之爵以罰失禮臣下慶君命受福無疆也

天子乃祈來年于天宗大割祠于公社及門閭臘先祖

五祀注此周禮所謂蜡祭也天宗謂日月星辰也大割

大殺羣牲割之也臘謂以田獵所得禽祭也五祀門戶

中霤竈行也或言祈年或言大割或言臘互文音義臘

力臘

合反蜡仕迺疏正義曰祈來年于天宗者謂祭日月星  
反字林作蜡辰也大割祠于公社者謂大割牲以祠

公社以上公配祭故云公社及門閭者非但祭社又祭門閭但先祭社後祭門閭故云及臘先祖五祀者臘獵也謂獵取禽獸以祭先祖五祀也此等之祭總謂之蜡若細別言之天宗公社門閭謂之蜡其祭則皮弁素服葛帶榛杖其臘先祖五祀謂之息民之祭其服則黃衣黃冠鄭注郊特牲云息民與蜡異也案黨正云國索鬼神而祭祀則以禮屬民而飲酒于序以正齒位則飲酒在蜡祭之後此大飲在蜡祭之前者若黨正屬民飲酒在蜡之後故下云勞農以休息之注黨正飲酒是也若天子諸侯羣臣大飲在蜡祭之前故以大飲飲在祈年之前然鄭為大飲之下注引黨正飲酒者證其正齒位同在此月不謂大飲即黨正飲酒也而熊氏以為大飲丞在蜡之後非其義也凡蜡皆在建亥之月而皇氏以為夏殷蜡各在己之歲終若如此夏家季冬則計耦耕事也脩耒耜具田器不得方始勞農以休息皇氏之義非也注正義曰知此周禮所謂蜡者以郊特牲蜡者索

也索萬物而饗之案篇章云國祭蜡歛幽頌以息老物  
蜡而後息老此經亦先祭衆神乃後勞農休息文與篇  
章相當故經廣祭衆神是周禮篇章所謂蜡祭也而熊  
氏皇氏皆謂周禮六樂一變而致羽物以至六變為蜡  
祭此亦廣祭衆神故指彼一變二變而謂之蜡也然彼  
樂一變二變鄭自解為蜡耳非周禮正文言蜡何得云  
周禮所謂蜡也云天宗謂日月星者以蜡祭唯公社不  
祭地故知祭天宗者不祭天若是祭天何須稱宗下季  
冬云天之神是天之衆神有司中司命不稱宗明稱宗  
者謂日月星也案異義六宗賈逵等以為天宗三謂日  
月星地宗三謂泰山河海鄭立六宗以為星也辰也司  
中也司命也風師也雨師也不同意逵之義今此云天  
宗謂日月星者尚書六宗文承肆類上帝之下凡郊天  
之時日月從祀故祭以日月配日月在類上帝之中故  
六宗不得復有日月此不云六宗而云天宗與彼別也  
蔡邕云日為陽宗月為陰宗北辰為星宗也云臘謂田

獵所得禽祭者以欲臘祭之時暫出田獵以取禽非仲冬大閱之獵也左傳云唯君用鮮則天子諸侯祭用鮮獸皇氏云仲秋獵得禽獸以為乾豆至臘用之其義非也云五祀門戶中雷竈行者月令合殷禮言之若周則七祀云或言祈年或言大割或言臘互文者天宗公社門閭先祖五祀等皆祈年大割臘祭之事故云互文也皇氏云天宗尊故云祈社是報功故云大割先祖已之親故臘祭也

勞農以休息之注黨

正屬民飲酒正齒位是也音義

報勞力疏注正義曰案黨

而祭祀則以禮屬民此亦祭衆神之後勞農休息文正相當故云是此等休息是正齒位案雜記子貢觀蜡云一國之人皆若狂者案鄉飲酒初立賓行禮至禮終說屢升堂而燕行無筭爵然則初時正齒位後則皆狂蜡祭蔡邕云夏曰清祀殷曰嘉平周曰蜡秦曰天子乃命臘案左傳云虞不臘矣是周亦有臘名矣

將帥講武習射御角力注為仲冬將大閱簡習之亦因

營室主武士也凡田之禮唯狩最備夏小正十一月王

狩音義

將帥上子匠反下色類反閱音悅狩手又反

疏

注正義曰春秋說云營室主軍士之糧云

凡田之禮唯狩最備者解此經孟冬云乃命將帥講武習射御言習是未正用也備擬仲冬教戰之事所須故言唯狩最備謂狩禮大也

故仲冬教大閱禮儀備

是月也乃命水虞漁師收水

泉池澤之賦毋或敢侵削衆庶兆民以為天子取怨于

下其有若此者行罪無赦注因盛德在水收其稅孟冬行春令則凍閉不密地氣上泄注寅之氣乘之也音義

泄息列

民多流亡注象蟄蟲動疏

正義曰凍閉不密地氣上泄地災也民多

流亡人

災也 行夏令則國多暴風方冬不寒蟄蟲復出注已

之氣乘之也立夏巽用事巽為風音義

復扶又反疏正義曰

風方冬不寒天災也

蟄蟲復出地災也 行秋令則雪霜不時注申之氣乘

之也小兵時起土地侵削注申陰氣尚微申宿直參伐

參伐為兵音義

參所林反下同

疏 正義曰雪霜不時天災也小兵時起土地侵削人災也注

正義曰案春秋記云參伐主斬刈示威行伐也

仲冬之月日在斗昏東辟中旦軫中注仲冬者日月會

於星紀而斗建子之辰也音義

辟必亦反疏正義曰案律歷志云

仲冬之初日在斗十二度故云日在斗也三統歷大雪

日在斗十二度昏壁五度中去日八十四度旦角三度

中冬至日在牛初度昏奎十度中去日八十二度旦亢

七度中元嘉歷云大雪日在箕十度昏氐九度中旦軫

八度中冬至日在斗十四度昏東壁其日壬癸其帝顓

八度中晝漏四十五刻旦角七度中

頊其神玄冥其蟲介其音羽律中黃鐘其數六其味鹹

其臭朽其祀行祭先賢注黃鐘者律之始也九寸仲冬

氣至則黃鐘之律應周語曰黃鐘所以宣養六氣九德

疏注正義曰案元命包黃鐘者始黃注云始萌黃泉中

律歷志云黃者中之色君之服鐘種也又云黃五色

莫盛焉故陽氣始種於泉萼萌萬物為六氣元也周語曰黃鐘所以宣養六氣九德者案彼注十一月建子陽氣在中六氣陰陽風雨晦明九德金木水火土殺正德利用厚生作樂宣徧黃鐘象氣伏地物始萌所以徧養六氣九功之德此養之者若施於人之六情正德天德利用地德厚生人德六府者金木水火土穀也

冰

益壯地始坼鶡旦不鳴虎始交注皆記時候也鶡旦求

旦之鳥也交猶合也音義

壯莊亮反曷本亦作鶡同戶割反鶡旦鳥名

天子

居玄堂大廟乘玄路駕鐵驪載玄旂衣黑衣服玄玉食黍與彘其器閔以奄注玄堂大廟北堂當大室飭死事

注飭軍士戰必有死志疏

正義曰事異前也因殺氣之盛以飭軍士使戰者必有死

志故曰飭  
死事也

命有司曰土事毋作慎毋發蓋毋發室屋及

起大衆以固而閉地氣沮泄是謂發天地之房諸蟄則

死民必疾疫又隨以喪命之曰暢月注而猶女也暢猶

充也大陰用事尤重閉藏音義

暢勅亮反女疏正義曰音汝大音太此不云

是月者總是冬月閉藏之事從十月為漸非惟仲冬一月之事故不言是月自命奄尹至淵澤井泉論命奄尹之官謹慎房室命酒正之職以為酒醴命掌祠之官祈祀四海井泉事雖各別同是命告羣官事異於上故總言是月自農有不收藏積聚至罪之不赦論收斂尤急之時務須積聚之事事異於上故云是月自日短至至取竹箭論日至之時須有所為之事事異於收斂積聚故云是月自可以罷官之無事至閉藏論去閒務助時

寧靜亦事異於前故言是月云土事毋作慎毋發蓋者  
於此之時土地之事毋得興作又須謹慎毋得開發掩  
蓋之物則孟冬云謹蓋藏是也非惟仲冬一月之事故  
不言是月良為此也為陰氣凝固陽須閉藏若起土功  
開蓋物發室屋起大衆開泄陽氣故下云諸蟄則死人  
則疾疫也以固而閉者而汝也命此有司云於此之時  
以堅固汝閉塞之事勿令開動地氣沮泄是謂發天地  
之房者約束有司若其不固汝所閉之事令地氣沮泄  
謂泄漏地之陽氣是發徹天地之房房是人次舍之處  
擁蔽於此之時天地亦擁蔽萬物不使宣露與房舍相  
似今地氣泄漏是開發天地之房也如此則諸蟄則死  
人必疾疫非但蟄死人疾又隨以喪者國有大喪隨逐  
其後命之曰暢月者告有司云所以須閉藏以其命此  
月曰暢月暢充也言名此月為充實之月當使萬物充  
實不發動故也皇氏云又隨以喪者謂是月也命奄尹  
逃亡人為疾疫皆逃亡故云又隨以喪

申宮令審門閤謹房室必重閉注奄尹主領奄豎之官

也於周則為內宰掌治王之內政宮令譏出入及開閉

之屬重閉外內閉也音義

重直龍反注同

省婦事毋得淫雖有

貴戚近習毋有不禁注省婦事所以靜陰類也淫謂女

功奢偽怪好物也貴戚謂姑姊妹之屬近習天子所親

幸者音義

省所景反注同

疏正義曰命奄尹者尹正也謂命奄

問之事謹慎房室之處必重閉者謂門閤房室必外內  
重閉遠者謂之門閤近者謂之房室皆有外內門戶必  
重疊閉之此月陰氣既靜故減省婦人之事順陰類也  
婦人所事者務須質素無得過為淫巧其所禁婦人無

限責戚姑姊妹之徒及王親近愛習嬖寵之類無有不  
禁言禁之無得淫巧也注正義曰此奄尹奄官之尹於  
周則內宰俱是主領奄官身非奄人故云於周為內宰  
內宰非奄也云掌治王之內政者皆解經中申宮令也  
宮令則內政也云譏出入及開閉  
之屬者解經審門閭謹房室也 乃命大酋秣稻必齊

麴蘖必時湛熾必絜水泉必香陶器必良火齊必得兼  
用六物大酋監之母有差貸注酒孰曰酋大酋者酒官  
之長也於周則為酒人秣稻必齊謂孰成也湛漬也熾  
炊也火齊腥孰之調也物猶事也差貸謂失誤有善有  
惡也古者獲稻而漬米麴至春而為酒詩云十月獲稻

為此春酒以介眉壽音義

首子由反又在由反秣音述  
麴區六反藥魚列反湛于兼

反熾尺志反齊才計反注火齊同監古銜反疏正義曰  
貸音二又他得反注同長丁丈反獲戶郭反大首者

酒官之長於此之時始為春酒先須治擇秣稻故云秣  
稻必齊齊得成熟又須以時料理麴藥故云必時湛熾

必絜者湛漬也熾炊也謂炊清米麴之時必須清絜水  
泉必香陶器必良者謂所用水泉必須香美所盛陶器

必須良善火齊必得者謂炊米和酒之時用火齊生孰  
必得中也兼用六物者秣稻一麴藥二湛熾三水泉四

陶器五火齊六也物事也謂作酒之人用此六事作酒  
大首監督之無使有參差貸變使酒誤其善惡注正義

曰酒孰曰首然則首者酒孰之名也云於周則為酒人  
者周禮酒正引此大首為酒正也此注大首為酒人不

同者以酒正掌作酒法或及酒材之事故引大首證之  
其實酒正掌酒之政令及酒出入之事不親監作此大

首監作故為酒人也以酒人監作酒故也云古者獲稻而漬米麴至春時而為酒者證此十一月令大首作酒之事以十月獲稻於此月漬米麴至春而為酒者謂春成也非春始釀故毛詩傳云春酒凍醪又鄭注酒正云清酒今中山冬釀接夏而成是於仲冬季冬已釀也引詩者豳風七月之詩以證獲稻作酒之事

天子

命有司祈祀四海大川名源淵澤井泉注順其德盛之時祭之也今月令淵為深是月也農有不收藏積聚者馬牛畜獸有放佚者取之不詰注此收歛尤急之時人

有取者不罪所以警懼其主也王居明堂禮曰孟冬之

月命農畢積聚繫收牛馬音義

畜許六反疏注正義曰詰起吉反引之者證

若不積聚收牛馬他人取之  
不詰俗本作收定本作收

山林藪澤有能取蔬食田

獵禽獸者野虞教道之其有相侵奪者罪之不赦注務

收斂野物也大澤曰藪草木之實為蔬食音義

藪素口反道音

導疏

注正義曰案鄭注周禮水鍾曰澤水希曰藪今言大澤曰藪者以有水之處謂之澤旁無水之處謂

之藪草木之實為蔬食者爾雅云蔬不熟為藪蔬謂菜蔬以其麓蔬經言蔬食故為草木食也山林蔬食榛栗之屬藪澤蔬是月也日短至陰陽爭諸生蕩注爭者陰食菱芡之屬

方盛陽欲起也蕩謂物動萌芽也音義

爭爭鬪之爭注同

君子

齊戒處必掩身身欲寧去聲色禁者慾安形性事欲靜

以待陰陽之所定注寧安也聲謂樂也易及樂春秋說

云冬至人主與羣臣從八能之士作樂五日此言去聲

色又相違音義

去起呂反注及下同者市志反從子用反

疏

正義曰此易乾鑿度文及樂

緯春秋緯其語同也其八能之士已具在仲夏疏文又相違者以夏已違今此復違故言又也

芸始生

荔挺出蚯蚓結麋角解水泉動注又記時候也芸香草

也荔挺馬薺也水泉動潤上行音義

芸音云荔力計反挺大項反麋亡悲

反解音蠻齷戶

正義曰芸始生荔挺出者皇氏云以介反上時文反疏其俱香草故應陽氣而出而蚯蚓結

者蔡云結猶屈也蚯蚓在穴屈首下嚮陽氣動則宛而上首故其結而屈也麋角解者說者多家皆無明據熊

氏云鹿是山獸夏至得陰氣而解角麋是澤獸故冬至得陽氣而解角今以麋為陰獸情淫而遊澤冬至陰方退故解角從陰退之象鹿是陽獸情淫而遊山夏至得陰而解角從陽退之象既無明據故畧論焉若節氣早則麋角十一月解故夏小正云十一月麋角墮墜是也若節氣晚則十二月麋角解故小正云十二月墮麋角日短至則伐木取竹箭注此其堅成之極時是月也可以罷官之無事去器之無用者注謂先時權所建作者也天地閉藏而萬物休可以去之塗闕廷門閭築囹圄此以助天地之閉藏也注順時氣也仲冬行夏令則其國乃旱注午之氣乘之也氛霧冥冥注霜降之氣散相

亂也音義

氛芳云反

雷乃發聲注震氣動也午屬震疏

正義曰其

國乃旱氛霧冥冥雷乃發聲皆天災也

行秋令則天時雨汁瓜瓠不成注

酉之氣乘之也酉宿值昂畢畢好雨雨汁者水雪雜下

也子宿值虛危虛危內有瓜瓠音義

雨汁于付反下音執注同瓠戶故反

好呼報反

國有大兵注兵亦酉之氣疏

正義曰天時雨汁天災也瓜瓠不成地災

也國有大兵人災也注正義曰案天文志瓜瓠四星在危東

行春令則蝗蟲為敗注

當蟄者出卯之氣乘之也水泉咸竭注大火為旱民多

疥癘注疥癘之病孚甲之象音義

介疥音疏正義曰蟲蝗為敗水泉咸

竭地災也民多  
疥癘人災也

季冬之月日在婺女昏婁中旦氏中注季冬者日月會

於玄枵而斗建丑之辰也音義

婺無付反婁力侯反氏  
丁兮反又丁計反枵許

驕疏正義曰案律歷志季冬初日在婺女八度三統歷  
反小寒日在婺女八度昏婁十一度中去日八十四

度旦氏十二度中大寒日在危初度昏昴二度中去日  
八十度旦心五度中元嘉歷日在牛三度昏奎十五度  
中晝漏四十五刻六分旦亢九度中大寒日在女十  
度昏胃四度中晝漏四十六刻七分旦氏十三度中其

日壬癸其帝顓頊其神玄冥其蟲介其音羽律中大呂

其數六其味鹹其臭朽其祀行祭先賢注大呂者蕤賓

之所生也三分益一律長八寸二百四十三分寸之百

四季冬氣至則大呂之律應周語曰大呂助陽宣物疏

注正義曰案蕤賓長六寸八十一分寸之二十六上生

大呂三分益一三寸益一寸六寸益二寸故為八寸其

八十一更益一箇二十六則一百四故云律長八寸二百

四十三分寸之一百四也引周語大呂助陽宣物者證

大呂之義也案律歷志云大呂呂旅也言陰大旅助黃

鐘宣氣而聚物鴈北鄉鵲始巢雉雞乳注皆記時候也雉雉

鳴也詩云雉之朝雊尚求其雌音義

鄉音向雊古逗反乳如佳反

疏

正義曰鴈北鄉有早有晚早者則此月北鄉晚者二月

乃北鄉故易說云二月鷺蟄候鴈北鄉鵲始巢者此據

晚者若早者十一月始巢故詩緯推度災云復之日鵲始巢是也雉唯雞乳者易通卦驗云雉唯雞乳在立春節與此同以立春在此月也通卦驗又云小寒虎始交豹祭獸此季冬不言者文不具也若節氣晚則季冬虎交若節氣早則在仲冬故仲冬虎始交案月令九月豹祭獸通卦驗季冬豹祭獸者熊氏云再祭也一曰易說

誤也無此文

天子居玄堂右个乘玄路駕鐵驪載玄旂衣黑

衣服玄玉食黍與彘其器闕以奄注玄堂右个北堂東偏命有司大難旁磔出土牛以送寒氣注此難難陰氣也難陰始於此者陰氣右行此月之中日歷虛危虛危有墳墓四司之氣為厲鬼將隨強陰出害人也旁磔於

四方之門磔攘也出猶作也作土牛者丑為牛牛可牽

止也送猶畢也音義

難乃多反下注同磔疏正義曰此竹百反為厲于偽反疏月之時命

有司之官大為難祭令難去陰氣言大者以季春唯國家之難仲秋唯天子之難此則下及庶人故云大難旁磔者旁謂四方之門皆披磔其牲以禳除陰氣出土牛以送寒氣者出猶作也此時強陰既盛年歲已終陰若不去凶邪恐來歲更為人害其時月建丑又土能克水持水之陰氣故特作土牛以畢送寒氣也注正義曰此月之中者中猶內也謂此月之內也皇氏以為此月中氣非也云日歷虛危虛危有墳墓四司之氣者熊氏引石氏星經云司命二星在虛北司祿二星在司命北司危二星在司祿北司中二星在司危北史遷云四司司鬼官之長又云墳四星在危東南是危虛有墳墓四司之氣也皇氏以為北方蓋藏故為墳墓北方歲終以司主

四時故云四司其義皆非也皇氏又云以季春國難下  
及於民以此季冬大難為不及民也然皇氏解禮違鄭  
解義也今鄭注論語鄉人儺云十二月命方相氏索室  
中驅疫鬼鄭既分明云十二月鄉人難而皇氏解季冬  
難云不及鄉人不知何意如此云送猶畢者  
此時寒實未畢而言畢者但意欲全畢耳 征鳥厲疾

注殺氣當極也征鳥題肩也齊人謂之擊征或名曰鷹

仲春化為鳩音義

題大疏正義曰亦命有司辭也征鳥如

征厲嚴猛疾捷速也時殺氣盛極故鷹隼之屬取鳥捷

疾嚴猛也蔡云太陰殺氣將盡故猛疾與時競也注正

義曰案釋鳥云鷹鷃鳩樊光云鷃鳩鷃鳩月令云鷹化為  
鳩也此征鳥者乃畢山川之祀及帝之大臣天之神祇  
則鷃鳩之謂也

注四時之功成於冬孟月祭其宗至此可以祭其佐也

帝之大臣句芒之屬天之神祇司中司命風師雨師音

義祇音疏注正義曰案上孟冬祈來年于天宗大割祠

則一變而致羽物山林之祇再變而致鱗物川澤之祇

是蜡祭並祭山川也是嶽瀆及衆山川也孟冬不見者

山川少於嶽瀆是孟月祭其宗此月祭其佐前孟冬是

祭先嗇神農并祭五帝但孟冬其文不具則五帝為宗

大臣句芒等為佐是孟月祭其宗此月祭其佐也孟冬

祭司中等是孟月祭宗此月祭佐則天神人鬼山川等

皆有宗有佐也故鄭先云孟月祭宗至此祭佐後解帝  
之大臣天神地祇若然山川卑於帝之大臣故在先言  
以為尊卑之序無義例也熊氏云孟冬祭宗至此祭佐

唯天恐  
非也

是月也命漁師始漁天子親往乃嘗魚先薦寢

廟注天子必親往視漁明漁非常事重之也此時魚潔

美疏

注正義曰案仲秋以犬嘗麻季秋以犬嘗稻皆不  
云天子親往今此天子親往特云嘗魚故云明漁

非常事重之也以四時薦新是其常  
事魚則非常祭之物故云重之也

冰方盛水澤腹堅

命取冰注腹厚也此月日在北陸冰堅厚之時也北陸

謂虛也今月令無堅音義

腹本又作複  
又方服反

疏

正義曰言此  
月冰既方盛

於時極寒冰實至盛而云方盛者此謂月半以前小寒  
之節冰猶未盛故云方也至於月半以後大寒乃盛水  
澤腹堅者腹厚也謂水溼潤澤厚實堅固冰既堅固故  
命取冰注正義曰腹者形體腹長故為厚也云此月日

在北陸者當此月之時日在玄枵之次其星當女虛危也陸道也言女虛危是北方七宿之道故釋天云北陸虛也舉中央冰以入令告民出五種注冰既入而令田星以言之

官告民出五種明大寒氣過農事將起也音義

種章勇反注同

命農計耦耕事脩耒耜具田器注耜者耒之金也廣五

寸田器鎡鎡之屬音義

鎡音茲音基疏

正義曰冰以藏入之後大寒已過暖氣方

來故令此典農之官出五種之物以擬種之注正義曰耒者以木為之長六尺六寸底長尺有一寸中央直者三尺有三寸句者二尺有二寸底謂耒下嚮前曲接耜者頭而耜耜金鐵為之故云耜耒之金云田器鎡鎡之屬者何庸云鎡今之鋤類孟子云齊人曰雖有鎡鎡不如待時云之屬者以田器非一也命樂師

大合吹而罷注歲將終與族人大飲作樂於大寢以綴

恩也言罷者此用禮樂於族人最盛後年若時乃復然

也凡用樂必有禮用禮則有不用樂者王居明堂禮季

冬命國為酒以合三族君子說小人樂音義

合古答反  
吹昌睡反

罷如字又音皮復扶又疏正義曰於此歲終必與族人

反子說音悅人樂音洛燕飲樂師之官大合諸樂管

篇之吹以綴恩慈之心而遂休罷至來年季冬乃更為

之注正義曰與族人大飲者以王居明堂禮云季冬命

國為酒以合三族故知與族人飲也云作樂於大寢者

以其命樂師合吹故知作樂也大寢別路寢也與宗人

圖事之處既飲族人故知於大寢云以綴恩者綴謂連

綴恩謂恩親大傳云繫之以姓而弗別綴之以食而弗

殊云罷者此用禮樂於族人最盛後年若時乃復然者  
謂後年季冬乃復如此作樂以一年頓停故云罷云凡  
用樂必有禮而用禮則有不用樂者以大合吹必當有  
禮與族人燕飲今唯云命樂師作樂故云用樂必有禮  
而食嘗無樂故云禮有不用樂也引明堂禮以合三族  
者三族父子及身則小記云親親以三為五以五為九  
是也君子說謂卿大夫乃命四監收秩薪柴以共郊廟  
士小人樂謂凡庶也

及百祀之薪燎注四監主山林川澤之官也大者可析

謂之薪小者合束謂之柴薪施炊爨柴以給燎春秋傳

曰其父析薪今月令無及百祀之薪燎音義共音恭下文以共皆

同燎力召反析思歷疏注正義曰以薪柴出於山林川澤故四監為山林川澤之官也

薪施炊爨柴以給燎者以薪柴並文故知各有所用上云薪柴下云薪燎故知柴以給燎引春秋傳曰其父析薪者此昭七年左傳辭也其父析薪其子弗克負荷引之者證薪是麓大可析之物云今月令無及百祀之薪燎者謂無此是月也日窮于次月窮于紀星回于天數句之文也

將幾終注言日月星辰運行于此月皆周匝於故處也

次舍也紀會也音義

幾音祈又音疏正義曰日窮于次機處昌慮反者謂去年季冬日

次於立枵從此以來每月移次他辰至此月窮盡還次立枵故云日窮于次月窮于紀者紀猶會也去年季冬月與日相會於立枵自此以來月與日相會在於他辰至此月窮盡還復會於立枵故云月窮于紀星回于天者謂二十八宿隨天而行每日雖周天一匝早晚不同至於此月復其故處與去年季冬早晚相似故云星回

于天數將幾終者幾近也。以去年季冬至今年季冬三百五十四日未滿三百六十五日未得正終唯近於終。故云數將幾終。歲且更始專而農民毋有所使注而猶女也。言

專一女農民之心。今之豫有志於耕稼之事不可徭役

徭役之則志散失業也。音義

女音汝令力呈反

疏

正義曰此脩月令之人為

國家戒令之法。此月既終歲且更始而女也。言在上專一。女農之事無得興起。造作有所使役也。此是制禮者總為約戒之辭。此月令之內不云乃命某官之屬者皆是禮家總禁也。他皆倣此。天子乃與公

卿大夫共飭國典論時令以待來歲之宜。注飭國典者

和六典之法也。周禮以正月為之。建寅而縣之。今用此

月則所因於夏殷也音義

縣音疏

注正義曰經云共飭國典調和飭正之故

云和六典之法六典者則治典教典禮典政典刑典事典是也云周禮以正月為之建寅而縣之者案大宰職云正月之吉始和布治小宰云正歲而觀治象之法是也云今用此月則所因於夏殷者不用周法故知因於夏殷以王者損益乃命大史次諸侯之列賦之犧牲以不出三代故也

共皇天上帝社稷之饗注此所與諸侯共者也列國有

大小也賦之犧牲大者出多小者出少饗獻也疏

正義曰此

至之饗皆命大史也列次也來歲方祭祀祭祀須犧牲犧牲出諸侯之國國有大小故命大史書列之以共賦也諸侯同王南面專王之土故命之出牲以與王共事天地也既漫言諸侯則異姓同姓俱然也賦之犧牲者

賦稅出也次之隨國大小而出之也以共皇天者賦牲  
所共也皇天上帝者靈威仰五帝也社稷  
者王之社稷也諸侯乃自有社稷而始封亦割王社土  
與之故賦牲共王社稷也享獻也出牲以共獻於上帝  
也諸神乃命同姓之邦共寢廟之芻豢注此所以與同姓

共也芻豢猶犧牲疏

正義曰芻豢猶犧牲也皇天社稷與天下共之故通賦天下國家也

寢廟先王與同姓國共之故別又命同姓國共之也言  
芻乃是牛羊而又云豢則是犬豕也天地不用犬豕社  
稷大牢乃有豕而不用犬故沒其芻豢而徒命宰歷卿  
云天地犧牲也宗廟備六牲故云芻豢也

大夫至于庶民土田之數而賦犧牲以共山林名川之

祀注此所與卿大夫庶民共者也歷猶次也卿大夫采

地亦有大小其非采地以其邑之民多少賦之疏

正義曰宰

小宰也歷亦次也卿大夫謂畿內有采地者歲終又命

小宰列次畿內之地大小并至於庶民受田準士田多

少之數賦之犧牲以共山林名川之祀不云士者上舉

卿大夫下舉庶民則士在其中省文耳注云此所與卿

大夫庶人共之則各賦稅之卿大夫出其采地賦稅無

采地出其邑之賦稅庶人無邑出其賦稅以與邑宰邑

宰以共上是庶人亦出賦也故下云凡

在天下九州之人無不咸獻其力是也

之民者無不咸獻其力以共皇天上帝社稷寢廟山林

名川之祀注民非神之福不生雖有其邦國采地此賦

要由民出疏

注正義曰雖有其邦國采地此賦要由民出者有邦國謂諸侯有采地謂卿大夫賦

稅所來皆由民出必由民者以經中云天下九州之民不云諸侯卿大夫獨云民故鄭云此也季冬行

秋令則白露蚤降介蟲為妖注戌之氣乘之也九月初

尚有白露月中乃為霜丑為鼈蟹四鄙入保注畏兵辟

寒象音義

辟毗異反

疏

正義曰白露早降天災介蟲為妖地災四鄙入保人災注正義曰案陰陽

式法丑魚鼈蟹季冬建丑而行

秋令丑氣失故云介蟲為妖

行春令則胎夭多傷注

辰之氣乘之也天少長也此月物甫萌牙季春乃句者

畢出萌者盡達胎夭多傷者生氣早至不充其性音義

胎吐來反夫鳥老反注同少長上詩召反下丁文反句古侯反

國多固疾注生不充性

有久疾也命之曰逆注衆害莫大於此疏

正義曰胎天多傷國多固

疾命之曰逆皆人災也注正義曰云此月物甫萌牙季春乃句者畢出萌者盡達者甫始也此十二月萌者始牙至三月乃出達地上也云胎天多傷者生氣蚤至不充其性者三月之氣在十二月內至故胎萌而暴長出既性不得充滿所以多傷也注正義曰以胎天既傷國多固疾衆種之害莫大於此故經云命之曰逆命猶名也言名此曰特逆行夏令則水潦敗國時雪不降冰凍之事謂惡之甚也

消釋注未之氣乘之也季夏大雨時行音義

消釋如字一本作液

音疏

正義曰水潦敗國時雪不降亦天災也冰凍消釋地災也

禮記注疏卷十七

禮記注疏卷十七考證

上丁命樂正入學習吹疏必用丁者取其丁壯成就云  
云○ 臣召南 按仲春上丁釋奠無疏據此文則亦取  
學者道藝成就之義也

合諸侯制音義絕句○陳澔集說從王氏說以合諸侯  
制百縣為句

天子乃教於田獵以習五戎注疏後鄭又注云步卒之  
五兵則無夷矛而有弓矢○ 臣召南 按司兵注先引

司農所云戈受戟首矛夷矛謂是車之五兵也此文脫此一句文義未顯

其祀行注行在廟門外之西為鞞壤厚二寸廣五尺○

臣召南

按壤字當作壇屬上句讀周禮大馭賈疏引

此注作為鞞壇是也又本節疏可證各本因壇壤字形相近而誤耳

固封疆注今月令疆或為壘○

臣召南

按蔡邕獨斷作

固封壘蔡所據月令本即鄭所謂今月令也

是月也大飲烝注天子諸侯與其羣臣飲酒於大學以正齒位○舊本訛天子與其諸侯羣臣今據疏移正又注羣國以鄉飲酒禮代之○羣國當作郡國

臘先祖五祀疏此等之祭總謂之蜡云云○臣召南按

祭蜡與息民似同而異息民亦可謂之蜡禮運之仲尼與於蜡賓雜記之子貢觀蜡是也蜡在前息民在後郊特牲之言蜡以皮弁素服而祭言息民以黃衣黃冠而祭是也詩檜風疏足與此疏相發明又下文

勞民以休息之應與臘先祖五祀句相連正言息民也疏特以鄭注間隔遂另分為節耳

去聲色注聲謂樂也云云○按注之失與仲夏注同出土牛以送寒氣疏持水之陰氣○持字疑當作勝

禮記注疏卷十七考證

謹按卷十六第二頁後二行疏蟲名畫也刊本監  
本毛本名訛鳴據宋本改

第四頁後四行注亦修雩禮以求雨刊本雨訛而  
今改

第十三頁後八行疏自命婦官至等級之度諸本  
級訛給據宋本改

第二十二頁後五行疏南北七筵刊本七筵訛九  
步據考工記改

後六行疏以夏之世室諸本之世訛月太據宋

本改

第三十三頁前五行注王居明堂刊本居訛君今  
改

卷十七第八頁前一行疏百官卿大夫也刊本卿  
訛鄉今改

第十一頁前八行注日之行冬北從黑道諸本冬  
訛東據宋本改

第十五頁後一行疏勞農講武諸本勞訛祭今改  
第十七頁後八行疏每云牡飛及牝止刊本牡訛  
牝據漢書改

第十八頁前六行疏列侯墳高四丈刊本文訛尺  
據宋本改

第十九頁前七行注郡國以鄉飲酒禮代之烝謂  
有牲體為俎也刊本郡訛羣烝訛燕並據宋本  
改

第二十三頁後二行疏作樂宣徧刊本宣訛宜今

改





覆校官編修臣張秉愚

校對官編修臣朱依魯

校對官庶吉士臣許兆椿

騰錄監生臣王世臣

騰錄舉人臣羅步雲